

^ 16  
2798  
1





日新其德



8078  
1

明漳浦黃忠端公全集

卷之六  
詩  
七  
八  
九  
十



門 16  
號 2798  
卷 1

明漳浦黃忠端公全集

昭和十九年  
六月二十八日  
購求

乾隆四十一年十一月十七日奉

上諭前因彙輯四庫全書諭各省督撫遍為採訪嗣據陸續送  
到各種遺書令總裁等悉心校勘分別應刊應鈔及存目三項  
以廣流傳第其中有明季諸人書籍詞意抵觸本朝者自當在  
銷燬之例節經各督撫呈進竝飭館臣詳晰檢閱朕復於進到  
時親加披覽有不可不為區別甄核者如錢謙益在明已居大  
位又復身事本朝而金堡屈大均則又遁蹟緇流均以不能死  
節覩顏苟活乃託名勝國妄肆狂狷其人實不足齒其書豈可  
復存自應逐細查明概行燬棄以勵臣節而正人心若劉宗周  
黃道周立朝守正風節凜然其奏議慷慨極言忠盡溢於簡牘  
卒之以身殉國不愧一代完人又如熊廷弼受任疆場材優幹  
濟所上封事語多剴切乃為朝議所撓致使身陷大辟嘗閱其

上諭



疏內有灑一腔之血於朝廷付七尺之軀於邊塞二語親爲批識云至此爲之動心欲淚而彼之君若不聞明欲不亡得乎可見朕大公至正之心矣又如王允成南臺奏橐彈劾權姦指陳利弊亦爲無慚骨鯁又如葉向高爲當時正人頗負重望及再入內閣值逆閹弄權調停委曲雖不能免責賢之備然視其綸扉奏草請補閣臣疏至七十上幾於痛哭流涕一概付之不答其朝綱叢脞可不問而知也以上諸人所言若當時採而用之敗亡未必若彼其速是其書爲明季喪亂所關足資考鏡惟當改易違礙字句無庸銷燬又彼時直臣如楊漣左光斗李應昇周宗建繆昌期趙南星倪元璐等所有書籍竝當以此類推卽有一二語傷觸本朝本屬各爲其主亦止須酌改一二語實不忍竝從焚棄致令湮沒不彰至黃道周另有博物典彙一書不

過當時經生家策料之類然其中紀本朝事蹟一篇於李成梁後設謀甚害具載本末尤足徵我朝

祖宗行事正大光明實大有造於明人而彼轉逞狡謀陰計以怨報德伏讀

實錄我

太祖高皇帝以七大恨告

天師直爲壯神戈所指肇造鴻基實自古創業者所莫及雖彼之臣子亦不能變亂黑白曲爲隱諱存其言并可補當年紀載所未備因命館臣酌加節改附載

開國方略後以昭徵信近復閱江蘇所進應燬書籍內有朱東觀編輯崇禎年間諸臣奏疏一卷其中多指言明季秕政漸至瓦解而不可救亦足取爲殷鑒雖諸疏中多有乖觸字句彼皆



忠於所事實不足罪惟當酌改數字存其原書使天下後世曉然於明之所以亡與本朝之所以興俾我子孫永念祖宗締造之艱難益思兢兢業業以祈

天而永

命其所裨益豈不更大又何必亟燬其書乎又若彙選各家詩文內有錢謙益屈大均所作自當削去其餘原可留存不必因一二匪人致累及眾或明人所刻類書其邊塞兵防等門所有觸礙字樣固不可存然祇須削去數卷或削去數篇或改定字句亦不必因一二卷帙遂廢全部他如南宋人書之斥金明初人書之斥元其悖於義理者自當從改其書均不必燬使無礙之書原聽其照舊流行而應禁之書自不致仍前藏匿方為盡善著四庫全書總裁等妥協查辦粘簽呈覽候朕定奪並將此

通諭中外知之欽此

乾隆四十四年二月二十六日奉

上諭四庫全書館節次彙進各省送到違礙應燬書籍朕親加抽閱內如徐必達南州草所載姦商姦璫結賄欺君諸疏俱持論不撓極為抗直又如蕭近高疏草內載其劾大璫潘相等以礦稅擾民宋一韓掖垣封事亦有劾東廠及稅監李鳳梁永等蠹國病民諸疏俱屬詳明剴切又侯震暘天垣疏畧以客氏再入禁中抗章極論并及於沈淮之交通內臣亦能侃侃不阿雖其間若徐爾一之九八分疏極口詆斥孫承宗而於溫體仁霍維華等則曲加贊譽是非倒置以圖熒聽此外亦不過摭拾陳言固無足取其餘讜論危言切中彼時弊病者實俱無慚骨鯁前因明季諸臣如劉宗周黃道周等立身行己秉正不回其抗



疏直諫皆意切於匡濟時艱忠盡之忱溢於簡牘已降旨將其  
違礙字句酌量改易無庸銷燬因復思明白神宗以後朝多秕  
政諸臣目擊國勢之阡危往往苦口極言無所隱諱雖其君置  
若罔聞不能稍收補救之效而遺篇俱在凡一時廢弛督亂之  
迹痛切敷陳足資考鏡朕以為不若擇其較有關係者別加編  
錄名為明季奏疏勒成一書使天下萬世曉然於明之所以亡  
亦可垂示方來永為殷鑒況諸臣彈劾權姦指摘利病至不憚  
再三入告實皆出自愛君體國之誠而其姓名章疏不盡見於  
明史朕方欲闡幽顯微又何忍令其湮沒弗彰況諸臣在勝國  
言事於我國家間有干犯之語彼自為其主不宜深責非若身  
入本朝肆為詆悖者可比原不妨就其應存諸疏將觸背字面  
量為改易選錄餘仍分別撤燬於辦理違礙書籍似屬竝行不

悖著交該總裁遴選一二人詳悉校閱編輯繕錄以次呈覽候  
朕鑒定茲將此通諭中外知之欽此



御製題勝朝殉節諸臣錄序

昨以勝國殉節之臣各能忠於所事不可令其湮沒不彰特勅大學士九卿等稽考史書核議予諡入祠以昭軫慰其建文諸臣之死事者竝命甄議茲大學士等議上錄其生平大節表著者予以專諡餘則通諡爲忠烈忠節次則通諡爲烈愍節愍統計一千六百餘人若諸生韋布未通仕籍及姓名無考如山樵市隱之流則入祀所在忠義祠統計又二千餘人各爲一冊進覽之均爲允協因名之曰勝朝殉節諸臣錄冠以所頒諭旨附載廷臣議疏彙刊頒行俾天下後世讀史者有所考質夫以明季死事諸臣多至如許迥非漢唐宋所可及錄而旌之亦累朝所未舉行似亦足以褒顯忠貞風勵臣節固不必如張若淮所請之遍行查訪徒滋紛擾致無了



期且卽再入數千人於表章大義亦無所增減廷臣駭議惟  
趨亦并載之爰題詩簡端用示大意

信史由來貴癉彰勝朝殉節與羶鄉五常萬古旣云樹潛德幽

光允賴揚等度蚤傳遼及宋宋李若水從欽宗至金營不屈而死金人相與言曰遼國之亡死義

者十數南朝惟李侍郎一人後先直邁漢和唐諸臣泉壤應相慶捨死初心

久乃償

督師少傅武英殿大學士兼吏兵二部尚書黃道周漳浦人

學行推重於天下崇禎中劾楊嗣昌陳新甲方一藻召對平

臺反覆抗論坐謫戍南都亡往見唐王請募兵江西得義旅

九千餘人出徽州遇

大兵戰敗被執至江寧不屈死之見明史及輯覽

黃道周碩學清操孤忠亮節克全儒行無愧貞臣今諡忠端

道光五年二月十六日禮部謹

奏爲遵

旨議奏事內閣鈔出閩浙總督趙愼畛等奏請明臣黃道周從  
祀

文廟一摺奉

硃批禮部議奏欽此查原奏內稱據福建在籍紳士編脩陳壽  
祺等呈稱明臣黃道周行完忠孝學貫天人著述本於六經節  
義興乎百世其發明聖學衛道宗經大旨與劉宗周相近今宗  
周旣從祀

文廟道周宜併請從祀等因臣等查明史黃道周傳贊稱其指  
陳深中時弊足爲萬世龜鑑

御批通鑑輯覽紀其學行推重於天下乾隆四十一年



特賜專諭忠端伏讀

高宗純皇帝聖諭劉宗周黃道周立朝守正風節凜然其奏議慷慨極言忠藎溢於簡牘不愧一代完人欽此臣等竊惟道周碩學清操孤忠亮節其生平著述尤富四庫採錄其書多至十種皆闡明經旨推究治道囊括大典體用兼賅而最湛深於易經孝經雖在獄中猶草易圖六十四象正手寫孝經百有二十本可謂篤於信道熟於成仁其講學浙閩罔非以明道翼經崇正闢邪爲己任榕壇問業一書考古證今探微抉奧發端以格物致知爲第一要義蓋宗周以誠意爲主而歸功於慎獨能闡王守仁之緒言而救其流弊道周以致知爲宗而止宿於至善確守朱熹之道脈而獨遡宗傳

皇上昌明正學崇獎儒林道光二年

俞臺臣之請以劉宗周從祀

文廟列於西廡明臣蔡清之次伏以道周與宗周臨危授命大節旣相接蹟正誼明道學術亦復比肩似宜俯如紳士所請併列兩廡之祀以維世教以勵貞脩等語臣等查康熙五十四年題准以宋儒范仲淹學問精純經綸卓越從祀

聖廟位列東廡唐儒韓愈之次雍正二年遵

旨議定以縣置牧皮樂正子公都子萬章公孫丑漢諸葛亮宋尹焞魏了翁黃幹陳淳何基王柏元趙復金履祥許謙陳澠明羅欽順蔡清

本朝陸隴其二十人增祀

文廟乾隆二年以元儒吳澄復祀大學在東廡元儒趙復之次道光二年三年節經遵



旨議准以明臣劉宗周從祀西廡列明臣蔡清之次以  
本朝臣湯斌從祀東廡列明臣羅欽順之次各在案伏思先儒  
祔饗

廟庭必其人扶持名教羽翼

聖經有關學術人心始能升諸從祀之列典至鉅也茲查明史  
黃道周列傳暨乾隆四十一年

賜諡原案道周籍隸漳浦歷官少詹事忠言讜論守正不阿中  
道貶黜矢志不移卒能致命成仁完名全節明史傳贊稱其指  
陳深中時弊足為萬世龜鑑臣等復恭繹

高宗純皇帝諭旨褒其立朝風節不愧一代完人

聖訓昭垂誠為千古定論至其生平講學浙閩以格致為宗而  
歸宿於至善與劉宗周之以誠意為宗而歸本於慎獨學術洵

為相等雖其講易兼明象數亦猶邵子先天之學可與程子易  
傳專言義理者並行實與

聖經有裨足為後學師承是其亮節孤忠早樹楷模於史冊正  
誼明道復標圭臬於儒林應如該督等所奏准其從祀

文廟東廡在明臣羅欽順之次以崇儒術以闡幽光所有臣等  
核議緣由是否有當伏祈

皇上聖鑒

訓示遵行謹

奏本日奉

旨依議欽此



明史列傳

黃道周字幼平漳浦人天啟二年進士改庶吉士授編脩爲經筵展書官故事必膝行前道周獨否魏忠賢目攝之未幾內艱歸崇禎二年起故官進右中允三疏救故相錢龍錫降調龍錫得減死五年正月方候補遭疾求去瀕行上疏曰臣自幼學易以天道爲準上下載籍二千四百年考其治亂百不失一陛下御極之元年正當師之上九其爻云大君有命開國承家小人勿用陛下思賢才不遽得懲小人不易絕蓋陛下有大君之實而小人懷干命之心臣入都以來所見諸大臣皆無遠猷動尋苛細治朝寧者以督責爲要談治邊疆者以姑息爲上策序仁義道德則以爲迂昧而不經奉刀筆簿書則以爲通達而知務一切磨勘則葛藤終年一意不調而株連四起陛下欲整頓紀



綱斥攘外患諸臣用之以滋章法令摧折縉紳陛下欲剔弊防  
奸懲一警百諸臣用之以借題脩隙斂怨市權且外廷諸臣敢  
誑陛下者必不在拘攣守文之士而在權力謬巧之人內廷諸  
臣敢誑陛下者必不在錐刀泉布之微而在阿柄神叢之大惟  
陛下超然省覽旁稽載籍自古迄今決無數米量薪可成遠大  
之猷吹毛數睫可奏三五之治者彼小人見事智每短於事前  
言每多於事後不救凌圍而謂凌城必不可築不理島民而謂  
島眾必不可用兵逃於久頓而謂亂生於無兵餉糜於漏卮而  
謂功銷於無餉亂視焚聽浸淫相欺馴至極壞不可復挽臣竊  
危之自二年以來以察去弊而弊愈多以威創頑而威滋殫是  
亦反申商以歸周孔捐苛細以崇惇大之時矣帝不憚摘葛藤  
株連數語令具陳道周上言曰邇年諸臣所自營心計無一實

為朝廷者其用人行事不過推求報復而已自前歲春月以後  
盛談邊疆實非為陛下邊疆乃為逆璫而翻邊疆也去歲春月  
以後盛言科場實非為陛下科場乃為仇隙而翻科場也此非  
所謂葛藤株連乎自古外患未弭則大臣一心以憂外患小人  
未退則大臣一心以憂小人今獨以遺君父而大臣自處於催  
科比較之末行事而事失則曰事不可為用人而人失則曰人  
不足用此臣所謂舛也三十年來釀成門戶之禍今又取縉紳  
稍有器識者舉網投阱即緩急安得一士之用乎凡絕餌而去  
者必非鮒魚戀棧而來者必非駿馬以利祿豢士則所豢者必  
嗜利之臣以筆楚驅人則就驅者必駑駘之骨今諸臣之才具  
心術陛下其知之矣知其為小人而又以小人矯之則小人之  
焰益張知其為君子而更以小人參之則君子之功不立天下



明史卷一百一十五  
總此人才不在廊廟則在林藪臣所知識者有馬如蛟毛羽健  
任贊化所聞習者有惠世揚李邦華在仕籍者有徐良彥曾櫻  
朱大典陸夢龍鄒嘉生皆卓犖偉使當一面必有可觀語皆  
刺大學士周延儒溫體仁帝益不懌斥爲民九年用薦召復故  
官明年閏月久旱脩省道周上言近者中外齋宿爲百姓請命  
而五日內繫兩尙書未聞有人申一疏者安望其戡亂除凶贊  
平明之治乎陛下焦勞於上小民展轉於下而諸臣括囊其間  
稍有人心宜不至此又上疏曰陛下寬仁宏宥有身任重寄至  
七八載罔效擁權自若者積漸以來國無是非朝無枉直中外  
臣工率苟且圖事誠可痛憤然其視聽一係於上上急催科則  
下急賄賂上樂鍬覈則下樂巉險上喜告訐則下喜誣陷當此  
南北交訐柰何與市井細民申勃谿之談脩睚眦之隙平時體

仁方招奸人構東林復社之獄故道周及之旋進右諭德掌司  
經局疏辭因言已有三罪四恥七不如三罪四恥以自責七不  
如者謂品行高峻卓絕倫表不如劉宗周至性奇情無愧純孝  
不如倪元璐湛深大慮遠見深計不如魏呈潤犯言敢諫清裁  
絕俗不如詹爾選吳執御志尙高雅博學多通不如華亭布衣  
陳繼儒龍溪舉人張燮至圍土繫係之臣朴心純行不如李汝  
璨傅朝佑文章意氣坎坷磊落不如錢謙益鄭鄮鄭方被杖母  
大詬帝得疏駭異責以顛倒是非道周疏辯語復營護鄭帝怒  
嚴旨切責道周以文章風節高天下嚴冷方剛不諧流俗公卿  
多畏而忌之乃藉不如鄭語爲口實其冬擇東宮講官體仁已  
罷張至發當國擯道周不與其同官項煜楊廷麟不平上疏推  
讓道周至發言鄭杖母明旨煌煌道周自謂不如安可爲元良



輔導道周遂移疾乞休不許十一年二月帝御經筵刑部尙書鄭三俊方下吏講官黃景昉救之帝未許而帝適追論舊講官姚希孟嘗請漕儲全折以爲非道周聽未審謂帝將寬三俊念希孟也因言故輔臣文震孟一生蹇直未蒙帷蓋恩天下士生如三俊歿如震孟希孟求其影似未可多得帝以所對失實責令回奏再奏再詰至三奏乃已凡道周所建白未嘗得一俞旨道周顧言不已六月廷推閣臣道周已充日講官遷少詹事得與名帝不用用楊嗣昌等五人道周乃草三疏一劾嗣昌一劾陳新甲一劾遼撫方一藻同日上之其劾嗣昌謂天下無無父之子亦無不臣之子衛開方不省其親管仲至比之猥狗李定不喪繼母宋世共指爲人梟今遂有不持兩服坐司馬堂如楊嗣昌者宣大督臣盧象昇以父殯在途搥心飲血請就近推補

乃忽有并推在籍守制之旨夫守制者可推則聞喪者可不去聞喪者可不去則爲子者可不父爲臣者可不子即使人才甚乏柰何使不忠不孝者連苞引巢種其不祥以穢天下乎嗣昌在事二年張網溢地之談款市樂天之說才智亦可睹矣更起一不祥之人與之表裏陛下孝治天下縉紳家庭小小勃谿猶以法治之而冒喪數倫獨謂無禁臣竊以爲不可也其論新甲言其守制不終走邪徑託捷足天下卽甚無才未宜假借及此古有忠臣孝子無濟於艱難者決未有不忠不孝而可進乎功名道德之門者也臣二十躬耕手足胼胝以養二人四十餘削籍徒步荷擔二千里不解屣履今雖踰五十非有妻子之奉煇僕之累天下卽無人臣願解清華出管鎖鑰何必使被棘負塗者祓不祥以玷王化哉其論一藻則力詆和議之非帝疑道周



以不用怨望而縉紳勃谿語欲爲鄭鄭脫罪下吏部行譴嗣昌  
因上言鄭杖母禽獸不如今道周又不如鄭且其意徒欲庇凶  
徒飾前言之謬立心可知因自乞罷免帝優旨慰之七月五日  
召內閣及諸大臣於平臺并及道周帝與諸臣語所司事久之  
問道周曰凡無所爲而爲者謂之天理有所爲而爲者謂之人  
欲爾三疏適當廷推不用時果無所爲乎道周對曰臣三疏皆  
爲國家綱常自信無所爲帝曰先時何不言對曰先時猶可不  
言至簡用後不言更無當言之日帝曰清固美德但不可傲物  
遂非且惟伯夷爲聖之清若小廉曲謹是廉非清也時道周所  
對不合指帝屢駁道周復進曰惟孝弟之人始能經綸天下發  
育萬物不孝不弟者根本旣無安有枝葉嗣昌出奏曰臣不生  
空桑豈不知父母顧念君爲臣綱父爲子綱君臣固在父子前

况古爲列國之君臣可去此適彼今則一統之君臣無所逃於  
天地之間且仁不遺親義不後君難以偏重臣四疏力辭意詞  
臣中有如劉定之羅倫者抗疏爲臣代請得遂臣志及抵都門  
聞道周人品學術爲人宗師乃不如鄭鄭帝曰然朕正擬問之  
乃問道周曰古人心無所爲今則各有所主故孟子欲正人心  
息邪說古之邪說別爲一教今則直附於聖賢經傳中係世道  
人心更大且爾言不如鄭鄭何也對曰匡章見棄通國孟子不  
失禮貌臣言文章不如鄭帝曰章子不得於父豈鄭杖母者比  
爾言不如豈非朋比道周曰眾惡必察帝曰陳新甲何以走邪  
徑託捷足且爾言軟美容悅叩首折枝者誰耶道周不能對但  
曰人心邪則行徑皆邪帝曰喪固凶禮豈遭凶者卽凶人盡不  
祥之人道周曰古三年喪君命不過其門自謂凶與不祥故軍



禮鑿凶門而出奪情在疆外則可朝中則不可帝曰人既可用何分內外道周曰我朝自羅倫論奪情前後五十餘人多在邊疆故嗣昌在邊疆則可在中樞則不可在中樞猶可在政府則不可止嗣昌一人猶可又呼朋引類竟成一奪情世界益不可帝又詰問久之帝曰少正卯當時亦稱聞人心逆而險行僻而堅言僞而辨順非而澤記醜而博不免聖人之誅今人多類此道周曰少正卯心術不正臣心正無一毫私帝怒有閒命出候旨道周曰臣今日不盡言臣負陛下陛下今日殺臣陛下負臣帝曰爾一生學問止成佞耳叱之退道周叩首起復跪奏臣敢將忠佞二字剖析言之夫人在君父前獨立敢言爲佞豈在君父前讒諂面諛爲忠耶忠佞不別邪正淆矣何以致治帝曰固也非朕漫加爾以佞但所問在此所答在彼非佞而何再叱之

退顧嗣昌曰甚矣人心偷薄也道周恣肆如此其能無正乎乃召文武諸臣咸聆戒諭而退是時帝憂兵事謂可屬大事者惟嗣昌破格用之道周守經失帝意及奏對又不遜帝怒甚欲加以重罪憚其名高未敢決會劉同升趙士春亦劾嗣昌將予重譴而部擬道周譴顧輕嗣昌懼道周輕則論已者將無已時也亟購人劾道周者有刑部主事張若麒謀改兵部遂阿嗣昌意上疏曰臣聞人主之尊尊無二上人臣無將將而必誅今黃道周及其徒黨造作語言虧損聖德舉古今未有之好語盡出道周無不可歸過於君父不煩示前日召對始末背公死黨之徒鼓煽以惑四方私記以疑後世揜聖天子正人心息邪說至意大不便帝卽傳諭廷臣毋爲道周劫持相朋黨凡數百言貶道周六秩爲江西按察司照磨而若麒果得兵部久之江西巡撫



解學龍薦所部官推獎道周備至故事但下所司帝亦不覆閱而大學士魏照乘惡道周甚則擬旨責學龍濫薦帝遂發怒立削二人籍逮下刑部獄責以黨邪亂政並杖八十究黨與詞連編脩黃文煥吏部主事陳天定工部司務董養河中書舍人文震亨並繫獄戶部主事葉廷秀監生涂仲吉救之亦繫獄尙書李覺斯讞輕嚴旨切責再擬謫戍烟瘴帝猶以爲失出除覺斯名移獄鎮撫司掠治乃還刑部獄逾年尙書劉澤深等言二人罪至永戍止矣過此惟論死論死非封疆則貪酷未有以建言者道周無封疆貪酷之罪而有建言蒙戮之名於道周得矣非我聖主覆載之量也陛下所疑者黨耳黨者見諸行事道周抗疏祇託空言一二知交相從罷斥烏覩所謂黨而煩朝廷大法乎且陛下豈有積恨道周萬一聖意轉圜而臣已論定悔之何

及仍以原擬請乃永戍廣西十五年八月道周戍已經年一日帝召五輔臣入文華後殿手一編從容問曰張溥張采何如人也皆對曰讀書好學人也帝曰張溥已死張采小臣科道官何亟稱之對曰其胸中自有書科道官以其用未竟而惜之帝曰亦不免偏時延儒自以嗣昌旣已前死矣而已方再入相欲參用公議爲道周地也卽對曰張溥黃道周皆未免偏徒以其善學故人人惜之帝默然德璟曰道周前日蒙戍上恩寬大獨其家貧子幼其實可憫帝微笑演曰其事親亦極孝牲曰道周學無不通且極清苦帝不答但微笑而已明日傳旨復故官道周在途疏謝稱學龍廷秀賢旣還帝召見道周道周見帝而泣臣不自意今復得見陛下臣故有犬馬之疾請假許之居久之福王監國用道周吏部左侍郎道周不欲出馬士英諷之曰人望




在公公不起欲從史可法擁立潞王耶乃不得已趨朝陳進取九策拜禮部尚書協理詹事府事而朝政日非大臣相繼去國識者知其將亡矣明年三月遣祭告禹陵瀕行陳進取策時不能用甫竣事南都亡見唐王聿鍵於衢州奉表勸進王以道周爲武英殿大學士道周學行高王敬禮之特甚賜宴鄭芝龍爵通侯位道周上眾議抑芝龍文武由是不和一諸生上書詆道周迂不可居相位王知出芝龍意下督學御史撻之當是時國勢衰政歸鄭氏大帥恃恩觀望不肯一出關募兵道周請自往江西圖恢復以七月啟行所至遠近響應得義旅九千餘人由廣信出衢州十二月進至婺源遇

大清兵戰敗被執至江寧幽別室中囚服著書臨刑過東華門坐不起曰此與高皇帝陵寢近可死矣監刑者從之幕下士中書蔡維賴繼謹兵部主事趙士超等皆死道周學貫古今所至學者雲集銅山在孤島中有石室道周自幼坐臥其中故學者稱爲石齋先生精天文歷數皇極諸書所著易象正三易洞璣及太函經學者窮年不能通其說而道周用以推驗治亂歿後家人得其小冊自謂終於丙戌年六十二始信其能知來也葉廷秀濮州人天啟五年進士歷知南樂衡水獲鹿三縣入爲順天府推官英國公張惟賢與民爭田廷秀斷歸之民惟賢屬御史袁宏勛駁勘執如初惟賢訴諸朝帝卒用廷秀奏還田於民崇禎中遷南京戶部主事遭內外艱服闋入都未補官疏陳吏治之弊言催科一事正供外有雜派新增外有暗加額辦外有貼助小民破產傾家安得不爲盜賊夫欲救州縣之弊當自監司郡守始不澄其源流安能潔乃保舉之令行已數年而稱職



者希觀是連坐法不可不嚴也帝納之授戶部主事帝以傅永  
淳爲吏部尙書廷秀言永淳庸才不當任統均甫四月永淳果  
敗道周逮下獄廷秀抗疏救之帝怒杖百繫詔獄明年冬遣戍  
福建廷秀受業劉宗周門造詣淵邃宗周門人以廷秀爲首與  
道周未相識冒死論救獲重罪處之恬然及道周釋還給事中  
左懋第御史李悅心復相繼論薦執政亦稱其賢道周在途又  
爲請帝令所司核議已而執政復薦十六年冬特旨起故官會  
都城陷未赴福王時兵部侍郎解學龍薦道周並及廷秀命以  
僉都御史用及還朝馬士英惡之抑授光祿少卿南都覆唐王  
召拜左僉都御史進兵部左侍郎事敗爲僧以終  
贊曰劉宗周黃道周所指陳深中時弊其論才守別忠佞足爲  
萬世龜鑑而聽者迂而遠之則救時濟變之說惑之也傳曰雖

危起居竟信其志猶將不忘百姓之病也二臣有焉殺身成仁  
不違其素所守豈不卓哉





欽定四庫全書  
黃漳浦文集

黃漳浦文集

福州後學陳壽祺編

卷首

諭旨

御製題勝朝殉節諸臣錄

禮部議 奏

明史列傳

黃子傳

收文序

石齋十二書部次

大滌函書書後

石齋麟書記略

洪石秋本所闕篇目

鄭白麓本所闕篇目

重編遺集序



目錄上

目錄下

年譜上

遺像

年譜下

黃子傳

黃子名道周字幼平漳浦人少居漳海銅山孤島中後有一石室可居名曰石齋故學者稱為石齋先生父青原公母陳皆通經史深明忠孝大義而教之有法故黃子之學起於漳海之濱海內從之問業者幾千人教之皆必以忠孝在思陵間漳海之學天下莫隆焉其學深於天人之際極博窮微皆本於六經其所著易孝經詩春秋數十卷書自漢宋以下諸儒所談皆置之不復道也宜其書獨為當世貴學者宗焉黃子少貧不能從師其學多出於二人故少小即善攻苦尚氣節賤流俗直以行王道正儒術為己任時當安陵間天下猶艾安黃子見儒術之日下知王道之不講憂天下之將亂年十有四便慨然有四方之志不屑屑治博士業必盡讀天下所未見書聞博羅有韓大夫



賢而好士其家多異書一日杖策行遂造焉大夫與之語而大  
悅曰此儒者也今日任斯道者非子其誰因留與諸子處遂得  
盡觀所未見書俱錄以歸登天啟壬戌進士為庶常授翰林編  
脩與脩國史實錄充經筵展書官故事必奉書膝行而進黃子  
以講筵道尊不宜有此遂平步進魏璫目攝之不能難初與文  
震孟鄭鄭約共劾魏璫後文鄭以擊璫削籍歸黃子以迎母人  
都狂途三疏而三焚之乃請告歸崇禎己巳起故官始入都庚  
午出典試浙江轉右春坊右中允以疏救舊輔錢龍錫坐曲庇  
調官龍錫竟得減死論壬申將出都以易數復上小人勿用疏  
蓋指溫體仁周延儒也上怒乃削籍歸遂入孔林孟林盡歷黃  
山白岳匡廬九華諸山浙中門人築大滌書院為黃子講堂以  
俟之因留數月乃去歲除始至石養山守墓三年乃因有司之

請以紫陽書院為黃子講堂而講學焉問業皆自遠而至所謂  
榕壇乙亥起補原官丁丑分考會試隨乞休不可時方大旱五  
日內繫兩尚書先生疏請慎喜怒以回天再上求言省刑疏謂  
方求言而建言者輒斥方清獄而下獄者旋聞言極切直尋遷  
左諭德兼翰林侍講有疏自劾三罪四恥七不如擢詹事府詹  
事兼翰林侍讀學士充經筵日講官命纂集經書進覽為太子  
講讀以疏論楊嗣昌陳新甲謫官時嗣昌丁兩喪奪情入綸扉  
得上眷抗疏劾之及召對與嗣昌爭辨上前犯顏諫爭不少退  
觀者莫不戰慄直聲震天下黜為江西布政司都事未任江西  
巡撫解學龍以地方人才薦上益疑為黨併逮入京廷杖百下  
詔獄將殺之戶部主事葉廷秀太學生涂仲吉相繼申救并杖  
戍既而嗣昌敗蔣德璟與周延儒乘間為上言始得旨赦出以



清操力學免戍復官堅辭乞致仕歸鄴山講學諸翁之下南渡後以少宰召陞大宗伯差祭禹陵出都夢高皇帝至厲聲曰卿竟舍我去耶對曰朝廷舍臣非臣舍朝廷差歸南都已陷乃立主閩中憤二鄭兄弟不出師自請行邊命以閣部招征攜數諸生出信州會七閩及江浙諸門人子弟之兵可四千人而無餉令散去時餉在鄭家朝廷不能問也先生知國事已去遂憤而出師將復徽止餘兵千二百人馬十匹持三十日糧行至婺源明堂里鐵騎數千乘霧襲之一鼓而潰遂被執抗節不屈死於南京之管橋天爲晝晦門人賴繼謹趙士超毛至潔蔡春溶從死未死前常閉口不食十四日不死乃復進水漿爲詩可數百首有乞字者輒書孝經三二本予之時統兵大帥日夜遣客往勸降良切故獨寬其桎梏加以禮貌使得從容賦詩作字圍碁

如平時如是者三閱月而先生卒不奪也論者謂其二黜不辭剖心一生清苦負土廬墓不營田宅以身許君獨立敢言濱死不悔國亡與亡實爲一代完節之臣可謂忠孝大儒矣所著有洪範明義月令明義儒行集傳緇衣集傳四部思陵時皆已表進御覽其易象正三易洞璣孝經大傳坊記集傳表記集傳五部及榕壇問業大滌問業皆已刊行於世惟易本象詩表春秋揆疇象在梁山孝經外傳解遼環在大滌孝經贊三禮定懿畜在榕壇皆或存或亡多不傳又有易筮命詩暑正春秋表正皆墜於明堂里今恐不可復得先生壬午出獄往戍將之楚門人請藏書於大滌先生擬以易象正詩序正春秋表正孝經大傳洪範明義月令明義禹貢明義呂刑明義儒行集傳緇衣集傳典謨集傳政官集傳爲石齋十二書藏於大滌已而不果今其



書多散亡而逸其半今思作收文序以求諸亡書及諸遺文而  
考正焉乃復定治其部居以易象正三易洞璣孝經大傳洪範  
明義月令明義坊記集傳表記集傳儒行集傳緇衣集傳三禮  
定七十有七卷爲上部以黃子錄黃子外錄九十有九卷爲下  
部乃合十經二錄爲石齋十二書存初志也又述黃子譜四卷  
爲初部黃子講問十有六卷爲終部皆附離之今是書凡四部  
百九十有六卷思藏收文峰下先生死諡忠烈贈太師文明伯  
凡講堂皆賜表文明書院今鄴山講堂久已廢爲禾黍唯梁山  
講堂尙存所謂明誠堂者今爲黃子廟在漳浦之東皋與北山  
墓廬相望

門人洪思撰

收文序

二十年漳上亂如雨夫子之文章欲墜於地猶秋蓬耳學士逯  
巡未敢言不亦異乎夫子之道忠孝而已矣其孝如曾子及其  
仕也故其直如柳下其氣似孟子及其死也故其風似伯夷知  
進退存亡而不失其正者其惟黃子乎故其學皆可以爲易其  
行皆可以爲孝經嗚呼斯道不講之日久矣黃子氏出人始知  
有君與有親以象而明易以數而正洪範以詩而考樂以春秋  
而定禮以孟子而廣孝經以論語而正儒行然後立天人之大  
業以本於易立臣子之大節以歸於孝經而斯道昭黃子起於  
漳海之濱教於榕壇而談求仁教於鄴山而談樂性教於榕壇  
而談格物物格教於梁山而談誠明明誠子弟從之自武夷達  
於大滌問業者可干人今黃子以忠孝示天下而天下尸而祝



之將二十年所矣其文太滿汎猶放失在海內吾黨咸未有一人敢起而收文明忠烈公之文萍散者是海內之所流歎而峭責於吾黨余也生稍後矣始知向學天下已騷一日爲先君洪子鼓柁入江過諸翁之麓得舟中受敬身書以講以習不能終日黃子以留都之召行雖入江之日淺空山無人還讀我書且憤且樂至今未忘諸翁也丙戌以來少年太苦一節甚微匿藁葭白露中翦蓬頭而爲漁復洗硯理洪圖以宣究黃子敬身之指趣作五教之圖以爲經作三極之圖以爲史蓋始於孝經而終於易閉戶看松以揆其義深惟先子所欲論述而後乃今收其書爲石齋十一書蓋十經與二錄有黃子易象正十有七卷有黃子三易洞璣十有六卷蓋聖人以通三極之書也而易本象四卷亦附離之有黃子孝經大傳四卷蓋聖人以明五教之

書也而孝經贊一卷亦附離之有黃子洪範明義四卷蓋王者性命建極之書也有黃子月令明義四卷蓋王者政事因時之書也有黃子坊記集傳四卷蓋聖人以禮立坊之書也有黃子表記集傳四卷蓋聖人以仁立表之書也有黃子儒行集傳四卷蓋王者任使知人之書也有黃子緇衣集傳四卷蓋王者好惡感民之書也有黃子三禮定十有三卷蓋聖人以正禮樂之書也凡十經七十有七卷爲黃子之上部然而猶有二書宜力尋之有黃子錄六十有六卷有黃子外錄三十有三卷蓋猶孟子書之有孟子外書也凡二錄九十有九卷爲黃子之下部然而猶有遺文宜力尋之嗚呼其於文也爲溫城爲賈生其於理也爲程氏爲考亭至於今日乃兼之故自漢宋以來未有黃子也先子在榕壇掌門人脩業事潛心夫子十有五年旣知其志



行之所在遭時多故乃不得論述門人嗟痛至於余其譜牒多  
無所從稽其講貫者常稀其對問者或不詳深念哉而余何敢  
忘也乃述黃子譜二十有二篇蓋如孔璇與叔仲會之記仲尼  
凡四卷爲是書之初部乃述黃子講問二十有九篇蓋如冉雍  
與卜商之撰仲尼凡十有六卷爲是書之終部此皆先子之所  
授與余所采獲之漳上者頗定治其部居爲百九十有六卷書  
大體如此矣實未常一日發屨走句吳於越間力尋之余深考  
其二書有曰易本象者有曰二易軒圖者二易箕圖者蓋以竭  
易之務今或亡矣有曰孝經外傳者有曰孝經定本者孝經別  
本者蓋以竭孝經之義今或亡矣有曰詩序正者有曰詩揆者  
詩表者蓋以昭詩樂之務遂暢詩律之說今或亡矣有曰春秋  
表正者有曰春秋揆者春秋軌者蓋以昭春秋禮之義遂暢春

秋經之說今或亡矣有曰典謨集傳者政官集傳者蓋爲太子  
讀書而作時在講筵甫奉詔纂書不數月以論楊陳謫官將去  
國進所纂就六十有九卷書於承華宮而去此或未就之書今  
或亡矣有曰禹貢明義者呂刑明義者蓋以明古之王者未有  
不薄征緩刑將以入告烈皇今或亡矣余深考其遺文唯一時  
書問之好序言與墓石之託四方詩郵之往來最爲多蓋今其  
人多云亡然一日驅驅窺其庭必尙有人爲人子者必不敢以  
此沒其親否則一日驅驅呼其門必尙有人爲人弟者必不忍  
以此掩其昆否則一日驅驅聲其閨必尙有人爲人妻者必不  
願以此晦其夫否則一日驅驅索其鄉必尙有人爲人友者必  
不樂以此滅其友以故求之而或出焉然而收文之日已暮人  
心非小變也今漳上豈遂無復遺士咸逸巡未敢言天下可知



宜復一日驅驅走天下之深山大澤中或尙有人先子暮年亦  
兩人武夷一登鴈蕩聞不見人然後歸臥東山獨任收文將以  
盡補夫子之亡書今是書乃不得論次亦命也夫而余奚敢忘  
也憶余十有八殊孟浪雖喜閉戶未能著書先子一日召余曰  
爲我作洪圖今易史不作則人無由知本朝歷年之美乃如此  
今孝經行不作安能使先王之本教遂昭著於天下吾見夫子  
之爲易孝經多在詔獄中十指困於拷掠指節尙搖搖未續時  
便寫之至今血猶滲漉紙墨間稍一流覽便如聞有銀鐺桁楊  
之聲人皆謂其可以禦鬼也故時有一圖之易有一本之孝經  
出詔獄中人爭購之殆其流入宮中外國者多矣今吾老矣恐  
不能盡補夫子之亡書爾必勉之因授思以易史孝經行之事  
退而頗有述焉爲六經六史十二圖以娛老父於空山所謂洪

圖今思旣孤遭亂益浪家自匿無所日陸陸潛釣澤中荒棄先  
人所欲論述罪莫大焉時詣鄴山陟諸翁肩望見講堂基盡爲  
禾黍因悵然過夫子家欲觀其墓下圖書以歸黃氏諸孤謂思  
旣兩世任是書難復辭矣爲移釣川鷄犬來夫子家與黃季子  
共硯論次是書一年而亡書猶未集收文之日蓋已暮矣方斯  
文之搖落收之如掃秋梧之葉矣失今不務後獨且柰何哉吾  
先子達行在所時見書之才屬艸未脫艸者多意者今皆招征  
明堂里之役失之矣其亡於軍中者今過其墟戰地秋風鬼燈  
夜雨之際如將見之其亡於省中者今過其墟銅駝秋風故宮  
夜雨之際如將見之其亡於漳上與浦中者今過其墟墓下秋  
風講堂夜雨之際如將見之門人洪思謹序



石齋十一書部次

洪石秋元編

初部

黃子譜凡五卷

上部

黃子易象正凡十有七卷

黃子三易洞璣凡十有六卷

黃子孝經大傳凡四卷

黃子孝經贊凡一卷

黃子洪範明義凡四卷

黃子儒行集傳凡四卷

黃子坊記集傳凡四卷

黃子表記集傳凡四卷







黃子講問

門人洪思述

樂性篇	三近篇	明誠篇	格致篇	中和篇
憤樂篇	博約篇	斯道篇	洪子篇	知性篇
紙上篇	好學篇	為邦篇	天下篇	正心篇
管仲篇	鄭公篇	脩己篇	知止篇	蔣公篇
看松篇	臥子篇	德公篇	三易篇	詩序篇
易象篇	春秋篇	曹子篇	孝經篇	

門人洪思曰余述黃子之言二十有九篇其講業三篇甲申鄴山曰樂性篇蓋江東之會也時四方子弟之來三百八十有四人坐於廡講監立於左城講史立於右城遂誦誓戒焉磬作都講咸出東坐都講四人西坐都講四人以講樂性十有六章黃子之所授也曰三近篇蓋初會也賓

至鳴鼓三贊曰弟子講書軒間都講六人以講三近有六章黃子之所授也明日客問三近黃子謝未有以對也遂布講席贊曰弟子就位講史舉弟子職誦之門人皆依鐘磬琴瑟而典節與歌皆如初都講八人以講三近有八章黃子之所授也甲申梁山曰明誠篇蓋浦東之會也時四方子弟之來二百十有八人坐於廡坐定鳴鼓三講史升壇遂讀誓言東侍都講五人西侍都講五人以講明誠二十有五章黃子之所授也其問業二十有六章甲戌榕壇曰格致篇蓋以言求仁也曰中和篇蓋以言明善也甲戌墓下曰憤樂篇蓋言學也以歸於禮樂曰博約篇蓋言學也以歸於詩春秋甲戌榕壇曰斯道篇蓋言知也遂究於鬼神之說曰洪子篇蓋言圖書之務也因授先子以易史



之祿年夫子蓋憂天下之將亂每與先子曲室上下必辨  
析往事以悲嘆當時至於古今治忽興亡之際相顧流涕  
不能自休故在榕壇有二十有八問業者惟先子一人而  
已矣曰知性篇蓋言理也遂究於參兩之說乙亥榕壇曰  
紙上篇言今之人皆讀書徒爲文藝所苦夫子憂焉因及  
於考亭子靜之辨與易象春秋禮之文曰好學篇言今之  
人皆讀書徒爲科名所困夫子憂焉因及於河汾叔度之  
辨與三易禮樂之文曰爲邦篇言今王道之不講夫子憂  
焉因及於三易禮樂之文曰天下篇言今人才之遂衰夫  
子憂焉因及於易象詩樂之文曰正心篇言異於二氏也  
王汝中李宏甫之言滿天下吾道於是以淆夫子憂焉因  
及於敬恕之辨也曰管仲篇言今王道之不講朝廷惟患

貧夫子憂焉因及於周官以究於三易詩春秋之文曰鄭  
公篇言今人才之遂衰士者而無恆夫子憂焉因及於易  
象詩春秋以究於周官之文曰脩己篇曰知止篇蓋榕壇  
之終會也自是問業在石養丙子墓下曰蔣公篇時輟講  
將入都有蔣太史公十有八問業至自晉江因舉似先子  
十有八都講而講貫焉曰看松篇將行矣猶依依松楸未  
能遂謝四方之問業時有至自繡水至自宦德至自長汀  
者戊寅大滌曰臥子篇言孝經也時陳臥子錢去非侍青  
山船始發敬身之談極日庚辰獄中曰德公篇言孝經也  
時涂德公楊機部侍白雲庫每發敬身之談達夕然其問  
業多散亡壬午大滌曰三易篇言圖書也曰詩序篇因言  
樂與律也癸未梁山曰易象篇言圖書也曰春秋篇因言



禮與祿也甲申鄴山曰曹子篇蓋言易也曰孝經篇因言  
吾黨堵牧游公纓組而就衰經之事終焉蓋登第而不仕  
乞歸廬墓追服三年烈皇之世政在羣小無一人知天下  
之將亂而黃子獨憂之王道之不講朝廷惟患貧知天下  
之將亂人才之遂衰士者而無恆知天下之將亂夫子憂  
曰士者皆爲利而考文苟取習俗以誣聖人以愚黔首以  
誑明主一旦詢治忽善敗之紀直茫然而已爲今之學皆  
如此適足以誤人天下國家使人憂不謂又有忘親之人  
無恆如楊陳皆去衰經而就纓組之事信朝死而夕忘之  
夫子憂曰士者必不復談敬身之行人心乃遂至此哉吾  
將救之以孝經使天下皆追文而反質因性而爲教因心  
而爲政然而身經九使道難一試書未及上國垂以三鳴

呼豈非天哉而講貫對問之文亦遂散落不能盡存也  
整冠拜孝陵而歿以下報思廟自鑿凶至於不食而君親  
之事畢蓋黃子之易始於春秋已未終於元人癸卯二千  
八十有五年猶未及於今日乃乙卯春二月黃子生訖丙  
戌春三月黃子卒作釋年篇終焉仲尼生於師之解黃子  
生於師之坤仲尼卒於小畜之乾黃子卒於小畜之巽今  
日之與春秋其揆一也 闕文附此



大滌函書書後

嗚呼此吾師石齋黃先生所爲函書既成刻而予小子叔倫敬受而識其末者也先生施教大滌實始壬申十年而小子肅納履而進積之也夫慎之也夫蓋自是杖履所至朝熹夕陰山巒水榜叔倫靡不從遂靡不得執經而問焉因嘆斯道絕續之繫先生甚大也先生當絕學廢興羣噎食日之會明大義垂微文植綱肅常蹈仁致命以示此身可不爲身用而不可不爲世用卽可不爲世用而不可不爲吾道用一德移於杼母而弗忌三事埒於猶罍而必裁人主之苛祿正之列選選倚先生一人是重焉而亦卽爲宵小齟齬之藉啼塵笑鳳祿指不祥而先生方且安轡奔車之間振衣覆舟之下日與其徒窮百世可知之窳發一言可盡之藏以庶幾所爲忘食忘憂而不知老之將至云



者至倦倦君父劘切良友之恩雖當澤竭身枯志遂過涉而慷慨所激底於從容人茶我館用相藉慰繇是知先生忠孝至性邁絕魏夷烟楮所傳皆其瀋贖也今卽其書所稱述癸兌天地略約龜馬續千聖之一鐙見悠悠之來者發而讀之以爲鷺湖鹿洞此中有人而豈知先生之所以紹明廣大測幽度微位不足濟之以德力所窮通之以誠排眾險而有首矢之死而靡疚者其庸直與洙嶧爭烈而已矣七日而聞人誅一會而萊優戮先生固優爲之而不必其卽得之其爲人蓋已明懸日月冥格飛走不獨以其書傳而傳其書者益得以愾見其人此則天下後世之所共而尤吾黨今日之責也叔倫因與何子瑞圖築室依講壇之側植楷同畦哀書及正命之遺壽棗共役而嬰之先生璣壁焜耀在天及淵者固不盡於此抑予小子卒業而慨然於師教及倫之深雖古一字之拔折簡之授維日有加而庭許其能爲賢逢人勸與同學此尤先生嗜鮑之懷等於舐犢植蕭之義比諸折蘗者也今也灑掃徒勤魏炤之人師難再炙體如創趙至之狂走安投倫獨何人有捧函如失而已姚江門人呂叔倫百拜敬書



石齋麟書記略

是書也師所自名本稱逸詩皆就俘以後作也序云可以不存矣而猶存之謂之逸詩又云石齋死後世當傳之以當逸事此刻麟書者後學所箋而誦之名也夫子正命以來學人爲誅而莫克似及讀自輓之章則石霞劍壁衣食孝陵九韻光於日月雖使參回標舉何物尚之夫三九四七之蘊元感帝旁夫子自莫能過而世共嗟於元老之輕出傷非其旨矣思古人正命吐言俄頃而夫子之言自西臘廿五日以及戌之三月十五日凡八句中詩存極博吾黨集之舉名絕筆則何也婺源之役魂魄已歸闕廷天留八十日以成此書厥數恰符詩暑夫子素示易詩春秋渾涵秣象則此日此書之出爲貫通運迄乘焉非偶輯也黃華道人曰遺稿散匿人間默禱先生力按盡錄時惟五言



絕七十一詩被攜北去從某公得鈔本餘皆先生原筆七絕前  
後行草獨癡想一冊作八分若五七言律及古詩俱繩頭小楷  
端整古勁蓋先生捉筆時便志為萬世下事今既散而復集不  
期巧合意先生默有以相之差足慰於地下也今讀其詩自責  
躬以至別山中如昏曉夷猶諸什宛然雅風不夷孤憤則昭昭  
揭之抑何疑貳非必如鄭公心史緘落井中後四百年而始發  
也逸詩原本五言古詩一十一章五言律詩八十二章七言律  
詩四十四章七言絕句百有二章五言絕句七十二章凡三百  
十一章滌山門人何瑞圖謹述

洪石秋編黃子錄內所缺篇目見鄭白麓本

疏

再述關外情形以決趣舍疏 陳近狀以慰聖懷疏  
四不敢疏

論

書品論 解辯命論

詔

諭浙東士民詔

書

與金正希書 與艾千子書 與錢某書 與鄭元岳先  
生書 答陳臥子書<sub>二篇</sub> 答楊伯祥太史書 與楊伯祥  
書 與蔣八公書 又與蔣八公書 答張汰沃書 答



張汰沃惠集書 與張紹和書五篇 答張凱甫書 與楊

機部書 與葉潤山書 與夏燠仲明府書 與夏瑗公

書 與姚霞激書 與倪某書 與何元子書六篇 與張

元之書二篇 與姜燕及書二篇 答曾叔祁書一篇 與錢中

洽先生書 與傅木菴書一篇 與萬吉人書 與尹去文

書 與戴伯闇書一篇 答李太虛書 與劉晉卿書 與

揭緝止書 與李君翰書 答朱平仲書 與楊文驄書

與吳梅谷書 與馬騰翁書 答韓寅仲書 與方仁

植書 與祝一之書 與鄭將軍書一篇 與黃東厓書

張鯤淵中丞書 答郭叔子文宗書 答周仲馭儀部書

與杜郡伯書 與馮秉清書 與張伯侯書 與方書

田書 與涂竹孫書 答林澹生書 獄中與張煙叔書

羈庫中寄魏秉德書 與張玉筍書 答林子篤書 與

子庸兄書 與劉魚公書一篇 與陳無涯無技書 與吳

廣直書一篇 與金聲植書三篇 招征書 寄家書一篇 在

徽州寄家書

記

雲洞遊記

頌

梁山頌

序

林衆如先生六十一序 余邑侯初度奏最序 沈邑侯

並太夫人壽序 八閩文業序 晉傳韻略序 倪鴻寶

制義序 鄭道圭制義序 陳克蘊寤寐齋集序 邑侯



汪彥輔制義後序 林奎甫合選近義序 高君鼎遊草  
序 鄭都甫石室制義序 浦邑侯余瞿父制義序 金  
用叔明府制義序

贊

孝經本贊 八松圖贊

書後

書管子後 書雙荷菴詩後

傳

節寰袁公傳

文

鄴山祀諸賢文 講堂告文 矯輕警惰文 過仙霞嶺  
祭告漁梁鎮神文 修像告先聖文 祭高太史文

彈陶 駁葛

雜著

石能言疏 蟲書葉疏 討有窮檄 破有窮露布 三易  
發明 三易指歸 靜海易談 樂律論衡 格物證  
三元經原本 說詩序 三事紀略 責和氏璧 演白  
馬 釋色無色 文心內符 文心外符 山庭回移  
乘桴廣引 器難 責貌 七卜 七策 春秋說象凡  
例

懿畜

諸葛武侯 魏司空 韓侍中 魏憲侯 狄梁公  
富鄭公



鄭白麓編黃石齋先生集內所闕篇目見洪石秋本

疏

請誅楊嗣昌疏關

論方一藻疏關

請脩禹廟疏

自請行邊疏

關內疏

將出關疏

出師疏

策

萬祿四十六年策

正學第二

邊防第五

論

人臣當盡力事君論

樂律論即樂律論衡

文不傳人論覓

枝別

介子推論

季札論

智伯滅公繇論又見逸文一冊

縱勢論又見逸文一冊

辯

聲無哀樂辯

又見駢枝別集



議

請絕北使議闕

制

金聲可提督徽宣池太軍務都察院右僉都御史兼翰林院侍讀學士制 黃蜚可掛震西將軍印正總兵制 山東道試監察御史制

誥

川湖雲貴督撫何騰蛟誥

檄

安民檄 廣信安民檄

記

張汰沃草堂記 徙澤記又見駢枝別集 備記又見駢枝別集

序

姚太公八十一序 王文成集序

題詞

張氏譜題詞

贊

張烜叔像贊 揭貞符像贊

書後

書浙試錄後 書鴈蕩圖後 書倪文正公帖後 書紀南書詠莊後 書洪浩士九日詩後 書陳生卷後 書何氏禹貢後 書山居帖後 書堵牧子褒史後 書六事詩後

碑



韓海羅碑

墓表

李太君墓表

張萊峰墓碣

墓誌

費太公墓誌

林刑部墓誌

李太守墓誌

汪生墓誌

張太公墓誌

王太公墓誌

魏太公墓誌

文

祭蔡外伯母文

雜著

白詛

又見駢枝別集

墨池小談

一作書品論

賦

平一賦

祝

祭禹陵祝

明誠堂啟土祝

明誠堂暨墓祝

明誠堂

上梁祝

燕喜祖道祝

還山告墓祝

告后土祝

誄

蔣憲長誄

啟

賀朱相公啟

諭

諭諸監紀總兵

諭洪總兵

諭某

諭兩營副總

約

客約

又見駢枝別集

擬作



擬秦報呂相書

又見逸  
步一冊

擬范蠡戒大夫種書

又見逸  
文一冊

擬鬼谷子告孫武子

又見逸  
文一冊

重編黃漳浦遺集序

漳浦石齋黃公遺書見於公門人洪思石秋子收文序凡四部  
 百九十有六卷富哉纂述之大業也經解九種吾鄉鄭幾亭宮  
 諭視學浙江以康熙癸酉授劄今板存福州鼇峰書院文集  
 十三卷則康熙甲午龍巖鄭玟虛舟取石秋所編刻之近又重  
 刻於漳非全集也余往在 京師從鄉人乞得一部既歸里始  
 聞公之遺書塵存漳州一士人家寤寐求之嘉慶丙子屬友人  
 展轉假其藏本以來乃海澄鄭白麓中書所編文三十六卷詩  
 十四卷視虛舟本增多數倍字句間有小異余以虛舟本所遺  
 繕寫十餘冊人閒始有副墨矣又鈔得石秋及莊起儔所撰黃  
 子年譜各一卷逸文一卷又購得易本象二冊鄴山講義一冊  
 近體五七言詩一冊逸詩一冊皆刻本又駢枝別集二冊公蚤



歲刻大滌函書二冊門下士刻皆昔已行世而今始見余謹藏  
之頃嘉興沈鼎甫大理督閩學聞其得公全集鈔本數十冊於  
漳人急假校對則倍於虛舟本而不及白麓本四之一其文有  
刺取已刻者題有點竄者蓋石秋與公季子子平編次原本然  
有五十篇爲白麓所遺將白麓未及觀此本邪余悉錄而益以  
它時所見卷冊遺文遺詩數十彙爲一編重定目錄而仍存洪  
鄭二家舊次蓋積十有餘年然後公之遺集乃得攬其全以慰  
平生飢渴矣雖然石秋親執業於公之門去公之歿不二十年  
加以兩世采獲之勤猶歎息亡書之未集而余生百數十載之  
後私淑無由未嘗如石秋所言一日走天下之深山大澤區區  
綴緝惡足以尋墜緒然白石秋與黃季子相論次以來歷幾亭  
白麓虛舟諸君子所表章縣縣繩繩若存若亡今庶幾復還公

纂述之舊其亦可以少釋學者之憾乎嘗論公德性似朱紫陽  
氣節似文信國經術似劉子政經濟似李忠定文章似賈太傅  
陸宣公非獨以殉國震耀宇宙又以公之學與文在勝朝當與  
劉誠意方正學上下馳騁與國家相爲終始不可以成敗興亡  
言也公能爲秦漢魏晉之文書間亦降格爲應俗小品要非  
其所措意蓋公文以章疏論策爲最其大者在國家紀綱法度  
賢奸義利刑政兵食治亂得失之源其端皆元本經術貫古今  
而裨治道使天啟崇禎之間其言見用則天下事尙可爲中興  
之業易成也及南渡再隳唐藩迫脅天之所壞固不可支豈得  
咎出師之否臧哉其它碑版之製闡發忠孝精氣鬱勃軍旅之  
作倚馬萬言百函竝發餘力所及猶騷心選理咄咄逼真詩則  
崛奇獨造不施鞞勒所謂大人之才獨立無儔天下庸得而步



趨之哉

國朝乾隆中公與明季殉節諸大臣首被

褒揚予專諡時

國家博采天下遺書

裕陵特諭謂公與劉宗周皆一代完人其書惟當改易違礙字句無庸銷燬

聖人之宏與天地同量所以植綱常而旌忠讜豈不偉哉

道光四年余具呈大吏乞疏請以公從祀

孔子廟明年春禮部議上如所請其年秋八月朔日兩府率文武吏奉主入祀

孔子廟東廡位明儒羅欽順之次如議備牲醪鼓吹如令典時方舉鄉試郡州諸生雲集鄉士大夫及青衿數千人從行禮焉

嗚呼盛矣而余適以此時編定公全集蒐羅完備然則斯文顯晦之數殆有天焉非偶然也公經解九種及榕壇問業咸已著錄

四庫惟文集未及進然公之文如日月江河萬古常新而不廢在處宜有神物護持後有好義如鄭宮諭等必取而謀公之海內也夫

大清道光六年丙戌夏四月福州後學陳壽祺謹序

八年戊子總督金匱孫宮師遂倡捐五十金鳩貲鏤公全集五十卷年譜二卷序錄目錄二卷庚寅竣工又續有補刻若干篇並補遺年譜附蔡夫人事

甲午春先大夫病篤遺命喬樅以漳浦全集蒐羅已極完備惟板片浩繁慮藏不愼或致散缺辜負數十年苦心宜請存



貯司庫俾垂久遠以廣流傳喬樅謹遵遺命呈請蒙藩憲鄭  
批准委員收領出具存案

傳譜補遺

黃道周傳 修漳志作

蔡世遠二希堂文集

黃道周字幼平號石齋漳浦之銅山人少負奇節以孝聞當神廟時天下乂安道周見儒術日下皇綱不振憂天下將亂年十四慨然有四方之志不肯治舉子業抵博羅謁韓大夫曰纘韓家多異書得盡覽所未見嘗卽席酒酣援筆立就數千言名大噪天啟二年第進士選庶吉士歷編修監修國史實錄故事經筵展書官奉書膝行道周謂膝行非禮也平步進魏璫目攝之不爲動未幾乞歸葬父北山結廬其下所謂石養山者也旋丁內艱服闋還朝崇禎三年典試浙江以神宗實錄成晉右中允明年冬故相錢龍錫坐袁崇煥事逮治媒孽者且與大獄天子怒不測道周草疏救之貶秩鐫三級而龍錫卒得減死科臣有



街道周者撫浙江典試事蜚語上聞疏乞休許之瀕行上小人  
勿用疏蓋指輔臣溫體仁周延儒也上怒削籍還浙江學者聞  
道周至則大喜爲築大滌書院而稟學焉留數月乃去歸石養  
山日展拜墓左如新喪時踰年以有司請講學於郡治紫陽祠  
門人自遠至者可千人乙亥起補原官丁丑分校禮闈隨具疏  
乞休不允時方久旱五月內繫兩尚書道周疏請愼喜怒以回  
天意六月又上疏曰陛下下詔求言省刑獄然方求言而建言  
者輒斥方清獄而下獄者旋聞當此南北交訐奈何與市井細  
民申勃礮之談修睚眦之隙平時溫體仁方招奸人與東林復  
社之獄故道周言及之晉左諭德掌司經局疏陳有三罪四恥  
七不如語時鄭鄮方以杖母被大詬道周言文章意氣臣不如  
錢謙益鄭鄮上得疏愕異令自陳嚴旨切責道周孝謹風節高

天下而嚴冷剛方不諧流俗大臣多畏而忌之時方擇官僚楊  
廷麟馮元颺並推道周閣臣張志發當國摘不如鄭鄮語爲口  
實擯道周不與同僚遂稱病乞休不許遷少詹事侍經筵會鄭  
三俊下吏講官黃景昉救之道周上疏推獎旨下切責再疏以  
支飾譴道周前有疏纂述洪範月令等書未就乞寬假數月去  
有旨得卒業時楊嗣昌奪情入閣陳新甲奪情起宣大總督方  
一藻以遼撫議和道周草疏分劾同上之上持三疏不下召  
對平臺上疑其有所爲而爲道周方奏辨嗣昌從旁撫鄭鄮事  
詆道周道周奏大臣聞彈義當退避未有御前爭辯不容小臣  
盡言嗣昌則佯謝請去上因曰爾言不如鄭鄮何也對曰臣言  
文章不如鄭鄮耳又曰爾言陳新甲走邪徑託捷足果遣人行  
賂耶道周言人心邪則行徑皆邪上又曰喪固凶禮豈遭喪者



盡不祥之人乎道周曰古三年之喪君不呼其門自謂凶人不祥故兵禮鑿凶門而出奪情在邊疆則可在中樞則不可中樞猶可在政府益不可駁問久之上因曰少正卯言爲而辨行僻而堅不免聖人之誅向以爾爲偏激不圖今日恣肆如此一生學問止成佞口耳道周叩首伏地請辨忠佞二字上曰非輕加汝佞但所問在此所對在彼非佞而何叱之退御筆榜朝堂示戒貶江西布政司都事未任巡撫解學龍以道周才堪輔導薦上怒疑爲黨削籍逮治詞連黃文煥陳天定董養河俱下詔獄戶部主事葉廷秀太學生涂仲吉先後疏救右納言馬思理左右仲吉並杖戍道周繫獄時吏日奉紙筆乞書道周爲書孝經百二十本在獄兩年感明夷事著易象正方草十二圖錦衣校徵急道周恬然謂曰俟吾畫一圖成就逮耳擁之去至北寺與

仲吉廷秀對簿受械鞫廷秀與道周實未相識囚服從容交揖通姓名次及學龍相對噫嘻時奸黨必欲殺道周尙書劉澤深等謂道周不宜以建言誅得遣戍廣西旣而嗣昌敗周延儒蔣德璟乘間爲上言得免戍復故官疏乞致仕歸講學於邑之明誠堂及江東鄴山郡邑有司遠近卿大夫士畢至凡一再會而燕都變作福王南渡以少宰召晉秩尙書陳進取九策時馬阮亂政正人如劉宗周姜曰廣輩多擯不錄自請祭禹陵夜泊龍江夢太祖高皇帝至厲聲曰卿竟舍我去耶對曰朝廷舍臣非臣舍朝廷旣報命乞歸而南都陷舟次桐廬遇唐王相得甚懽陳四通四塞三師八友之議至福州遂首政府時政歸鄭氏將帥觀望無肯出死力道周憤自請督師攜數書生出信州會七建及江浙諸門人子弟之兵可四千人餉絕多亡走出師救徽



見卒千二百人馬十匹持三十日糧行至婺源徽已破師遂潰  
被執七日不食不死復進水漿至留都分繫諸從者獨幽禁城  
改繫尚膳監夜聞鐘感舊事得絕句百餘首益悲憤不食十四  
日猶不死時統兵大帥日夜遣客勸降故獨寬其桎梏加殊禮  
使得從容賦詩作字弈棋如是者三閱月三月五日騎擁過西  
華門坐不起曰此與高皇帝陵寢近可死矣方刑時從者跪曰  
公方萬年契闊請以數語遺家乃裂衿齧指血大書曰綱常萬  
古節義千秋天地知我家人無憂及門蔡春溶賴繼謹俱漳人  
趙士超候官人毛玉潔六合人繼至過曹街抱其頭哭曰師乎  
魂其少須吾即來矣四子同時就義傳首至徽及門陸自嚴以  
千金購得之合身首殯金陵越數載長子麋與門客趙子璧往  
扶襯歸葬先人墓側初道周末第時渡釣龍江舟覆溺焉恍惚

見一人前導至一殿額曰倪黃館選時元璐名第一道周第二

一死北都一死南都出處始終若前定然著述甚富奏疏經解

詩文旁及天文祿數共四十餘種洪範明義月令明義儒行集

進御覽其易象正三易洞璣孝經大傳坊記表記集傳五部及  
榕壇問業大滌問業已刑行於世惟易本象詩表春秋揆疇象  
在梁山孝經外傳解遼環在大滌孝經傳三禮定本懿畜在榕  
壇或存或亡多不傳又有易命詩畧正春秋表正墜於婺源門  
人洪思作收文序求遺書而參正  
焉奏疏詩文數十卷尚未刊行

論曰道周學貫天人行本忠孝人則言朝出則守墓講學著書  
清修自飭金陵一節堪為殿後矣古今名人志士傳者何限要  
如文章道學經濟氣節大都微有專屬道周負其聰明氣岸直  
欲兼之古文不循史漢八家詩歌不步漢魏唐宋而博奧黜深  
雕鏤古健風骨成一家矣論學宗旨於程朱精微未能洞徹要  
非可以博雜譏之天文祿數推驗無差幾與康節季通相伯仲



也若論列人才敷陳軍國大政其呂獻可李伯紀之流歟晚乃自收成局以文信國終焉嗚呼可不謂奇人完人者乎

傳節錄注語

鄭亦鄒

張若仲曰先生出南都久之製一衣刺大明孤臣黃道周於裾語弟子曰南都必敗當以此識吾屍  
丙戌十二月甲申自廣信進攻婺源至董家坊壬寅次明堂里距婺源十里而軍被執明年正月至金陵不食十四日不死更進水漿時有陳操江某來說曰先生海內名流我朝敬之如神天命有歸何自苦道周閉目掩鼻因問道周曰吾有目不忍視有耳不忍聽然則掩鼻何也曰色味難當賦柏舟之三章操江然後乃去

傳節錄

節義文章

至婺州部伍畧定婺源令黃樹輔臣門人也馳書誘之許為內應至明堂里猝遇大兵師潰張天祿執輔臣以獻督師見其忠義不忍加害曰當生置金陵軍前朝廷得一忠義之人勝得土地數州輔臣即欲自盡門人趙士超解勸云此去金陵不遠倘得面數賊臣誤國及君之罪魂魄依傍孝陵死亦未晚輔臣然之遂行時大帥經略輔臣同年友也且屬同鄉仰德業清望援共事解釋夜半微服稱名過招先生愕然大慟曰吾友久死封疆烈皇帝詔太官大牢九壇弔祭忠魂人耶鬼耶何物鼠輩竊姓字汗玷清名其人慚退

石齋黃公逸事

方苞望溪集

黃岡杜蒼略先生客金陵習明季諸前輩遺事嘗言崇禎某年余中丞集生與譚友夏結社金陵適石齋黃公來遊與訂交意



頗洽黃造次必於禮法諸公心嚮之而苦其拘也思試之妓顧氏國色也聰慧通書史撫節安歌見者莫不心醉一日大雨雪觴黃公於余氏園使顧佐酒公意色無忤諸公更勸酬劇飲大醉送公臥特室榻上枕衾茵各一使顧盡弛褻衣隨鍵戶諸公伺馬公驚起索衣不得因引衾自覆薦而命顧以茵臥茵厚且狹不可轉乃使就寢顧遂暝近公公徐曰無用爾側身內向息數十轉卽酣寢漏下四鼓覺轉面向外顧佯寐無覺而以體傍公俄頃公酣寢如初詰旦顧出具言其狀且曰公等爲名士賦詩飲酒是樂而已矣爲聖爲佛成忠成孝終歸黃公及明亡公繫於金陵在獄日誦尙書周易數月貌加豐正命之前夕有老僕持鍼線向公而泣曰是我侍主之終事也公曰吾正而斃是爲考終汝何哀故人持酒肉與訣飲啖如平時酣寢達旦起盥漱更衣謂僕某曰曩某以卷索書吾旣許之言不可曠也和墨伸紙作小楷次行書幅甚長乃以大字竟之加印章始出就刑其卷藏金陵某家顧氏自接公時自懟無何歸某官李自成破京師謂其夫能死我先就縊夫不能用語在縉紳間一時以爲美談焉

文明夫人行狀

龍溪洪思撰

黃子平曰我二人忠孝而已矣皆生值艱難之會至死不敢一日忘其君不敢一日忘其親不敢一日忘其尊章與夫子皆其大者也子平生不識父二歲而孤煢煢鮮民今奚述焉凡諸有所記憶無非母夫人之所教詔時時頗稱說先公之遺訓言之流涕何敢忘也安宗初先公將辭墓出石養山屬母夫人曰二人歿後以身許君今事亟矣國之存亡未可知此身非復我有



矣吾行後善守北山松楸教詔麇麇兒曹唯夫人於時子平  
尚未生也先公行後百六十有五而子平生先公既以秩宗  
奉祠出祭禹陵畢知政在馬阮難復留乃拜疏請告念石養山  
阿甚與母夫人書曰人至聞三月一日麇子生之喜是日吾正  
奉祠將詣禹陵神禹護持想足長養亢宗耳墓下廬舍無恙掃  
松或得奉歸命也子平今遭亂避地太深去此山日益遠母每  
揮涕戒子平曰而長矣猶未能歸里松楸母子守先隴下而父  
在極顛連憂患中曷嘗一日忘北山松楸哉一日母出先公書  
對子平泣曰而父曰爲薛蔡楊陳交構之巧萬里逮杖六月就  
塗行至南昌念石養山阿甚乃以書來曰吾自以硜硜之守與  
物無爭廬舍墓下所有圖書數卷松竹數株皆爲先人體魄之  
所安棲依依廬次陶然自適不知其他惟憶自少貧苦祿不逮

親今歲時亦粗具杯棬未遑俎豆然吾值國家多事時既受殊  
恩勢不容默前後三十疏皆原本仁義不負蒼生而多言數窮  
遂招物忌計吾生平未有一言一事內不可告於妻子外不可  
告於朋友幽不可告於鬼神明不可告於黎庶者唯麇麇幼  
未能讀吾書知吾志諒所在耳今吾行矣時時宜看掃先隴而  
覩是書而父安能一日忘北山松楸哉又一日母出先公書對  
子平泣曰而父赴逮至闕下庭杖八十詔獄臥八十日抱足扶  
首僅能起立作易象正孝經贊孝經頌數卷杖瘡發幾不支念  
石養山阿甚乃以書來曰吾瘡百十日尚未合明發之所痛也  
復何顏見參縉於異日此既生於危言蚤不引身今悔之無益  
行止天也非人所爲此身已聽之君不必煩憂也今麇子已十  
歲讀古人書凡人之邪正皆當問先生至於事親當孝事君當



忠見人當誠敬而有禮見長者當肅然起立此不待問而知也  
今麴子慶子尙少當徐而教之當時時念而父艱危孤苦也看  
掃先隴當以時節往而覩是書而父安能一日忘北山松楸哉  
又一日母出先公書對子平泣曰而父旣立主行都政在武人  
甚於馬阮矣乃自請行邊孤軍莫救一戰自決兵單食盡遂及  
於難不食十有二日不死聞門人賴生爲書別家人而父但振  
筆書其上曰綱常百世性命千秋天地知我家人何憂而父亦  
不復作書少日念石養山阿甚乃以書來曰天下 矣生平  
不爲一節所繫今以此遂志亦無所恨長爲顏閔所笑耳麴慶  
慶但令哦詩書守禮義爲臣當忠爲子當孝餘不足憂也不  
時看掃先隴勿以風水爲嫌而覩是書而父安能一日忘北山  
松楸哉又一日母名麴子而泣曰見而父殉節時有別十八名

山詩謂吾所遊天下名山今當舍之遠去唯武夷吾鄉大滌吾  
墓終攜偕往未之辭也大滌雖而父之講堂在焉然其志在石  
養恐而未能尋骨歸附先人墓側則必以此累大滌諸生耳而  
勉之哉麴子遂行與客俱母泣數行下與之別而遂行渡錢塘  
見大滌諸生知先公首時有一義士潛瘞聚寶門外立黃石而  
識之與客亟詣白門發一穴得焉退後發一穴奉尸而出合之  
納小匱中與客尋從難四生首亦得焉俱攜以歸漳上諸生皆  
白衣冠迎其喪至於鄴山門人爲位講堂之上治喪三日乃發  
引歸石養浦中諸生皆白衣冠迎其喪至於北山母哭於墓門  
之外迎而入乃易棺衾視齒髮然後葬四生首附於左四生者  
何賴生繼謹平和人趙生士超候官人毛生玉潔六合人蔡生  
春溶龍谿人蔡生者母夫人之從父昆弟也字時培初在招征



軍中被執至新安爲書別家人曰吾錄錄人後者幸得日夕隨師側去臘見師被執泣不容走室人奚庸憂愁時往慰夫人耳夫人見書喜曰吾弟不 我家矣夫人生鶴峰徵士家性嗜書能居約不苟言笑十歲能屬文事母陳以孝著一日陳病亟與同母女弟刲臂瀹羹以進陳食之而病良已歸先公事姑太夫人復以孝著初先公爲庶常時迎太夫人入京師夫人林未有子攜一女子子子本奉姑太夫人行以疾卒於就李彌留時謂子本曰而父日以忠孝教於家我死而幸勿哭恐傷太夫人意後必有能事吾姑善於吾者先公尋以忤璫請告奉太夫人歸負土葬青原公石養山阿明年母夫人始歸於先公不三月遂有姑太夫人之喪先公水漿不入口者五日母亦姑蔬啜粥不御酒肉者三年先公復事畚鍤負土葬陳太夫人石養山阿遂

廬其下烈皇帝初先公旣免喪聞邊警入謂母曰二人已矣國家多事能遂誓墓而不動遂辭墓出山攜孥行至建安聞遵化破至臨安聞良固破遂渡江聞上以邊事欲殺舊輔錢機山下於理舉朝莫敢言至上三疏救之少日遂調官歸將行母問曰所當言者盡於此乎先公笑而不答明日復上一疏言上御極自丁卯大雪至戊寅春分在師上六大君有命小人勿用過此遂爲小畜五君一民恐天下自此亂矣勿用之防誠不可已上怒甚遂削籍歸母喜曰上怒方殷禍幾不測今削籍歸幸矣信夫子言天下將分裂是吾異日之憂也攜子若孫將安所往乎旣歸北山守墓三年而環命下矣先公時教於榕壇與諸生講習不輟已聞邊警都下騷然有檄徵師遂辭墓出山與三十有六人俱盡得海隅之力士以行母脫簪珥以佐軍遂入援旣行



母見邸報笑曰夫子不久當謫官歸矣農子問母何以知之母嘆曰楊嗣昌陳新甲皆天下不祥人也一時咸以奪情用而父疾亂臣賊子甚雖在講筵安能不言言則必爲羅一峰耳先公果上三疏上前爭甚力上怒甚遂謫官歸母喜曰上怒倍於往者禍且不測今謫官歸幸矣唯薛國觀蔡國用方得政可遂晏然已乎旣歸北山守墓二年而逮命下矣遂辭墓出山就緹騎於江西漳上諸父老慮緹騎與詔獄中吏卒橫索錢投匱三日可數百緡門人將齋上母亟使人謝曰無所用此徒爲累耳且主上聖明薛蔡楊陳尋當自敗夫子必能生還也勿以此煩父老憂門人有潛齎上江西者先公令持歸謝之如母言廷杖後血集襦袴者令勿浣皆寄示兒曹母泣曰留示子孫而父獲遇明時乃橫受闕下數百鞭楚九鞫四拷指節微續輒細書百部

孝經以當獄吏獄卒錢爲人臣子勞苦極矣宜示子孫已羣奸盡露天子亦悔遂得不死而戍命下矣唯以戍所近武陵人咸危之皆慮有劉器之梅州之懼母笑曰此非夫子死所也縱近楊武陵家奚畏乎天生夫子必不死於長沙且主上聖明羣小稍稍去側夫子亦不長荷戈也尋當環名矣已而果然誰謂母非明智婦人哉先公時在大滌與門人復尋歸雲之洞念石養山阿甚而名命下矣乃拜疏力乞休致歸而鑿山與門人講於諸翁之麓爲樂性之游若將終身焉少日羣盜李自成遂陷京師是日也先公方與門人講於東臯之上爲明誠之會縣間樂作心痛楚不可忍入謂母曰心奚痛楚甚於闕下時母悲曰夫子身在畝宮而憂天下豈四方有非常之變乎尋憂詔至思陵死社稷正是日也先公與諸生治喪於鄴山講舍爲位而哭者



黃海清集卷首  
三日母見先帝之遺詔亦哭於家三日鄰婦聞之皆淚盈把悲  
動行路已留都詔至遂赴召辭墓行入別母曰吾欠先帝一死  
此身不復能依依松楸遂終於二人墓下母悲曰行矣非復誓  
墓時矣夫子不行謂先帝何行未半聞姜劉逐哭倪文正公家  
知留都必覆於馬阮至輒以奉祠行跪孝陵前一慟聲振林木  
頃之自禹陵歸知國事已去夢見孝陵傍徨江渚潛刺大明孤  
臣黃道周七字於裾屬門人曰他日以此識吾尸已乃遇主蘭  
谿許以驅馳遂有行都立主之事不謂乃爲武人所賣必不能  
一日安於朝力自請行以招征出江西是以有童家坊之師母  
初家中見招征疏有曰臣里有病舍蹇馬者下而自走不十里  
困矣蹇馬仰天而笑臣今爲蹇馬所笑也臣猶欲以蛙頤螳臂  
信大義於天下爲朝廷守一日之藩籬非曰能之亦各其義耳

母廢書而泣曰此夫子盡瘁之日矣招征之役不過義無所逃  
欲得一死以下報孝陵與先帝耳人不知義宜復羣起而笑之  
先公殉節訃至上爲震悼罷朝詔贈太師文明伯諡忠烈賜祭  
立廟一行都一漳上 曰凡講堂表爲文明書院皆令有司以  
春秋尸祝之妻封一品夫人子各襲廕補官制曰招征印已還  
帝賚良弼一銀章仍賜其家以示後世子孫母執諸子手  
而泣曰以先人之忠顯榮褒大施及孫子今命爾麀子子中世  
萬戶祿麀子子成世千戶祿錦衣世世與國無極今麀子子和  
四歲麀子子平二歲亦補京都官一補尙寶丞一補中書舍人  
國恩如此願子若孫世世其無忘先人哉自先公殉節後母知  
國事已去行都之亡依夕攜諸孤匿鄴山下時促諸孤曰今當  
入山益深矣麀子麀子夷猶漳上弗忍遠去一日避兵涉河遂



不知其所之母頓足呼天而哭之曰文忠烈公悼生佛生二兒  
一日同死於兵今黃忠烈公麀子麀子二兒亦一日同死於兵  
天之降裁於文黃忠烈人必如此乎其命也夫其可哀也夫無  
何而麀子早世無何而麀子之子早世無何而嫂氏三人皆早  
世家中唯子平與麀子之子二孤日夕熒熒在母側母時時對  
二孤而泣曰天實爲之謂之何哉蓋非復文黃之天矣違天不  
祥吾今與二孤豈可復鹿鹿栩栩與當世之人居宜自孤危辛  
楚終身如居喪不復入州府不復御酒肉艱貞百折死深山中  
以此自傷亦以此明示子孫世世無忘先人哉母自接先公訃  
遂卻水漿終日哭幾不欲生以二三諸孤乃勉而食粥時及菜  
果蓋非一日矣不知者疑其近於墨氏者流以爲異母亦不辯  
也但曰吾有終身之喪安能復御酒肉爲哉吾一老婦人已受

三朝之錫命吾自盡吾心耳豈爲名乎奚足辯然至死亦少有  
能明母夫人意者不亦悲乎凡官於閩者咸謂先公異日當祀  
於學俎豆於賢人之間今諸孫之賢者雖不樂仕亦宜一二在  
庠序母聞之終壹鬱不樂也語人曰在庠序非吾志也吾已攜  
子若孫來此絕境縱讀數行書非爲庠序也且吾初在空山時  
一子一孫形影相弔悲涼不堪惟潛引淚耳今以章章夫子之  
靈不三十年內外諸孫男女可二十人雖昏嫁多未畢人老山  
深足慰目前誠不願其一人去左右也因屬諸孫曰吾老矣聞  
而諸孫夜高有吾伊聲輒自喜躍必終夜不寐故亦欲爾諸孫  
且安於深山論道著書以娛老人苟爾時時念爾祖何如人亦  
安能不以聿修之爲貴必事事與爲他人孫者異矣朱浚張鏜  
必時時有吾朱文公孫吾張魏公孫在曾中知吾與爲他人孫



者不同故能於存亡出處之際卓然英異乃如此今吾老矣旦暮入地亦欲藉此以見爾祖於地下爾念之哉母夫人生於壬子五月卒於甲戌二月享年八十有三彌留時乃出夙年所臨先公孝經一卷授子平曰吾諸孫必有能讀此者尙其與之已顧子平曰喪歸石養祔而父之墓左使我得時時從而大父而大母於九原乃逝人然後知母夫人至死不敢一日忘其尊章與夫子易其名曰孝徽諒哉子平今在聖廬之下哭不偯而言不文禮也然亦奚忍遂盛言母氏之生平乃勉而雪涕著其一二大節有如此耳其言之不文當授兒曹亟詣漳上尋鄴山一二遺士依稀或有在者爲子平一潤色之

明黃忠烈公夫人蔡氏字介石題侯太孺人遺詩

崇禎十年天子策士之歲夫子分典校閱共薦士二十一人文

章行誼皆冠一時侯先生悶閱經濟伯仲於諸公而忠孝懇篤之意於夫子別有符券及持大孺人書請爲太封君銘固知鳳毛有種益以熊荻宜其德器有過人者歸以語余晨夕告誡未嘗不以孺人爲規則余雖未奉提誨然私自景仰不啻儀型數載之間滄桑倏變孺人以乙酉歸眞夫子亦已就義掄揚之願未償荼苦之茹並受晦冥以來津隘不通忠魂未返腸日九迴庚寅仲夏乃以長頑子中同友人趙叔寶往鍾陵省視謀所以收扶遺魄者使受教於先生與陸魯瞻先生獲遂全歸時子中負劇病臥先生山房自六月初七至七月十五日共四十日湯藥調治加於骨肉因得備悉太封君與太孺人卓行懿軌於前所聞又更詳焉先生授以太孺人遺詩使一言附太孺人以不朽此縉紳先生之事余何敢任顧夫子有願未酬又是行也子



中將魯瞻先生勤懇之意與先生哀慕之情以歸不得不伸一言以慰之以予之今眎太孺人之昔痛若一揆執筆涕下唯有歔歔

淳懿發至性冰潔勵松筠如何遭薄祐中道折良人晝哭哭無盡瑤草沒青春況乃秉端操儉勤素所遵子讀母夜作無忘夕與晨諄諄唯爾誨恐不克負薪事翁復至孝含德振彝倫教兒繼祖業不敢尙逡巡無媿昔鄒母三遷擇比鄰履仁道所貴服節豈終屯孫旣列賢籍子亦負簪纓一門荷榮顯流澤布徽聲猶驚墜前緒兢業保令名慚余負四教得配君子庭豈期遭板蕩王室倏以崩夫志炳日月苦節終以貞萬里歸孤櫬碧血灑鍾陵捐軀事則已豈顧兒女情撫茲四孤孽羅列未成行況無擔石積宣保立與成深負泉下人不得俱死生感傷五內裂涕

泣淚縱橫慚讀貞烈詩彤管播芳馨不愧表旌節婦式照汗青

合祀陳黃二先生碑記

節錄

二希堂文集

石齋黃先生抱剛直不回之氣丙戌三月五日死於金陵及門蔡子春溶賴子繼謹趙子士超毛子玉潔繼至抱頭而哭曰師乎魂其少須吾卽來矣四子同時就義後石齋先生經制撫學使疏請祀之鄉賢夫黃先生忠於勝國然制撫學臣共疏請之我

聖祖仁皇帝允而祀之此以見秉彝之好萬世維公而褒節錄忠尤興朝之盛事其關於風教倫常豈細故哉漳人議欲特祠奉祀而限於土木之役僉曰郡城芝山朱子祠後堂以黃勉齋陳北溪王東湖陳剩夫配前堂開敞軒豁敬於堂之東奉祀明初思賢陳先生以陳子應家曾子廷瑞林子旺伍子性原鄒子



君默呂子賢六生配堂之西奉祀黃先生以四子配并置春秋祭田以永其祀

募刻黃石齋先生遺書引

一希堂文集

蓋聞因雲灑潤則芬澤易流載響乘風則音徽自遠無鯁亮清忠之氣雖潘江陸海僅供覆瓿爲天地河嶽之鍾則琨玉靈珠自當壽世近代石齋黃先生者志存忠孝學貫天人了生死之一關嚴忠佞之二字明朝三百年養士之報正學而後一人漳浦九十峰積氣所成東溪之武堪接生徒遍天下仰寶座之春風正氣塞古今留石壇之化雨驅宣公於腕下奏疏洵爲百代之光駕陸子之書廚詞華豈但一時之冠罔非繼往信足開來觀緇衣數傳見講學正切於匡君讀續騷一篇知忠臣必由於孝子明九疇之義所以佐書洞二易之璣亦以補繫丹心激韻

高律呂之聲碧血成歌動乾坤之色他如松花別業早擅昔日文壇卽至駢枝卮言遠勝古來談藪耽書性癖已極刻骨鏤心私淑情深豈徒梁峰鹿浦嗚呼九串十朋四恥三罪公自灑水天之淚我已興拾桂之思幸生講學之鄉遺澤未斬於五世卽慕先生之義頌聲已溢於四方無謂斷簡殘編廣陵散於今絕矣尙曰丹山碧水正氣歌其猶存乎誰非好古應共效王稔集正學之書諒有同心勿徒令桓譚重子雲之價



記黃石齋斷碑後

朱辰應

先太傅文恪公舊藏米海岳硯山閣三傳至公會孫竹垞太史  
攜至京師王尚書阮亭見之歎爲奇物賦長詞焉先時公少  
子尚寶公諱大曾出以贈公門下士石齋黃公公以先師所寶  
不敢受祇題斷句四章而去太傅文孫上舍諱茂闡德錄疏其  
事且云行笈中止斷碑一硯則是物蓋早與石齋周旋矣石齋  
譴戍下獄備嘗艱苦莊烈帝終以儒者優容之則所云曾從霹  
靂推車去又得滂沱自在春是硯蓋亦患難中一友也讀其銘  
詞猶可想見明命旣傾石齋致命唐藩先尚寶聞關東浙石齋  
寄尚寶手簡以隆中有子晝錦有孫爲勗不知仍用是硯否耶  
又聞石齋兵敗婺源其夫人致書石齋言忠臣有國無家勿以  
內顧爲念所用者更有他硯邪是不可得而攷已雖然宋王伯



厚得士如文文山千古傳為盛事先太傅主天啟二年會闈是  
科先後自靖者凡二十有三人石齋實不愧文山後死尚論者  
卽以先太傅海岳研山擬王氏校士之硯而石齋之斷碑以之  
並文山玉帶生夫何歎哉是日既展閱吾友張芑堂所摹拓本  
適拜掃先太傅賜墓暨尚寶碧血埋藏之所仰見松栢烈烈不  
啻親聆石齋鬼門相候云云也

句見黃公與  
尚寶手簡

黃漳浦文集目錄上

福州後學陳壽祺重編

卷一 疏

自明試務疏

救錢龍錫疏 凡三章

擬汰冗濫清宿蠹以足軍需疏

引罪告病疏

辦仁義功利疏

乞歸疏 凡二章

卷二 疏

放門陳事疏

放門回奏疏

慎喜怒以回天疏

擬論楊嗣昌不居兩喪疏

求言省刑疏

三罪四恥七不如疏

救鄭鄭疏

申明掌故疏

請告疏

卷三 疏



讓賢疏

補牘陳言疏

遵旨回奏疏

遵旨再奏疏

退尋仁清之旨疏

論楊嗣昌疏

論陳新甲疏

進繳書錄疏

乞休疏

感恩疏

獄中乞恩疏

獄中海罪自明疏

往戌辭朝疏

免戌辭職疏

乞赦解學龍葉廷秀疏

墓下乞致仕疏

時務疏

擬請誅楊嗣昌疏闕

論方一藻疏闕

卷四 疏

恭慰聖懷疏

衢州聞陞辭職疏一作禹航乞歸

請脩禹廟疏

奉祀會稽乞休疏一作禹陵乞休

恭慰皇太后與居并述義師情錄疏

臨安勸進疏一作馬士英方國安阮大鍼朱大典擁兵不出師箋

行都求去疏

辭職陳事疏

再繳勅草乞休疏

擬中興十三言疏

卷五 疏

前自請行邊疏

將出關薦賢疏一作歸

恭報招征啟行疏

將出關疏

諫親征疏

江浙機權疏

出師有期據實再陳疏

進取成謀疏一作將出關

恭報出關日期略陳軍實情形疏一作江浙情形



陳近狀以慰聖懷疏  
出師疏

審明先後緩急疏一作將出  
徽信會師

卷六 疏

請定出關駐留疏一作留鎮  
關內彈壓

四不敢疏

乞獎異倪元潞祁彪佳子姓疏

請酌用人材疏一作諸藩暫  
歸羣賊未靖

再述關外情形以決趣舍疏

食盡兵單請自黜疏

關外謝賜袍膳疏

復發情形疏一作出  
師第二

孤軍莫救危疆難支疏

江右出師情形疏

續報情形疏一作孤軍莫  
救一戰自決

請卹捐軀諸臣疏

卷七 狀 箋 表

擬黔中事宜狀

乞言自序狀

潞王監國箋

論馬士英阮大鍼賣君賣國箋

請召劉宗周姜曰廣高宏圖楊廷麟劉同升以收人心箋  
上皇太后乞趣馬士英迎駕箋

唐王監國箋

招征軍中諫魯王不奉詔箋

擬上諭翰林院及吏部各衙門舉文學行誼才識之士廷臣謝表

擬嘉靖十年上御幽風亭召李時等同觀西苑收穫謝表  
擬貞觀元年中書門下及三品以上入閣議事皆命諫官隨之  
有失輒諫謝表

卷八 表 詔 制 誥

聖安皇帝登極表

潞王監國表

潞王勸進表

唐王勸進表

擬聖安皇帝還都下罪詔

諭惠王詔黃子錄作書



諭靖江王詔

黃子錄作書

諭魯王詔

黃子錄作書

諭督師輔臣王應熊詔

諭原任兵部尙書張鳳翔詔

諭原任大學士高宏圖詔

諭原任順天巡撫起用江楚總督楊鶚詔

黃子錄作制

宣諭九江總督袁繼咸贛州總督李永茂詔

召工部尙書曾櫻僉都御史郭維經詔

招諭江西兵部尙書熊明遇詹翰楊廷麟劉同升詔

招諭太子大傅戎政尙書張國維詔

招諭浙江金華府太子太傅協理戎政兵部尙書張國維及衢

州原任安慶府巡撫僉都御史徐世蔭原任福建右布政使

徐應秋詔

宣諭原任兵部左侍郎朱大典詔

宣諭原任兩廣總督兵部右侍郎沈猶龍詔

諭巡撫福浙軍務兵部右侍郎吳春枝詔

黃子錄作制

諭原任安慶巡撫徐世蔭詔

黃子錄作制

諭巡撫徽宣池泰等處地方兼翰林院侍讀學士金聲詔

諭溫處總兵葉光謨詔

黃子錄作制

諭兩浙劾順士民詔

黃子錄作檄

諭浙東士民詔

諭杭州士民詔

黃子錄作檄

諭溫台士民詔

黃子錄作檄

黃蜚可掛震鹵將軍印正總兵制

山東道監察御史制

金聲可提督徽宣池太軍務都察院右僉都御史兼翰林院侍

讀學士制  
川湖雲貴督撫何騰蛟誥

卷九 策



萬秭四十有六年鄉試策 勤政 一正學 二相權 三黨禍 四邊

防五

天啟二年進士策 學術 人才 察舉 考課 式士策 凡

章 求才一救世二

卷十 策

體數 三言功 四道業 五武試式士策 凡 戰法 兵術 邊計

卷十一 對 議 檄 諭

議論多而成功少畢竟何以反之對

兵制議

馭將議

遼左足兵足餉議

守覺華島機宜議

四省加賦議

六等定罪議

請絕北使議 缺

諭朝鮮不宜廢立其主檄

宏光元年六月敷告萬方檄 黃子錄作討賊檄

諭浙江江西兩廣諸路出師匡復檄

再諭諸路出師匡復檄

安民檄

廣信安民檄

諭諸監紀總兵

諭洪總兵

諭

諭兩營副總

卷十二 論

本治論 凡三章

原法論 凡三章

時政論

治天下必先立志論

為君之道必須先存百姓論

經綸天地之謂才論

卷十三 論

一歲寒暑之候論

裴度論



曹郡丞文治論

介子推論

季札論

人臣當盡力事君論

上士不交論

文不傳人論

性無嫉妬論

貴飾尚利論

人主之學以明理為先論

明君成功必取於人論

精一執中論

明目達聰論

卷十四 論辨考說

三代之學皆以明人倫論

大人正己而物正論

大器猶規矩準繩論

兩朝盜臣論

書品論一作墨池小談

解辨命論

聲無哀樂辨

九邊兵餉考

治秣說

執中用中說

卷十五 書

思文皇帝與聖安皇太后書

思文皇帝與益王書

思文皇帝與潞王書

思文皇帝與淮王書

思文皇帝與桂王世子書

監國與鄭三俊書

監國與劉宗周書

與金正希書

與文千子書

與錢某書

與鄭元岳先生書

答陳臥子書

與陳臥子書凡二章

答楊伯祥大史書

答張汰沃書

答張汰沃惠集書

與楊伯祥書

與蔣八公書

與張紹和書凡五篇

答張凱甫書



與楊機部書

與葉潤山書

與夏彝仲明府書

與夏瑗公書

與姚霞漱書

與倪某書

與何元子書凡六篇

與張元之書凡二章

與姜燕及書凡二章

與曾叔祁書

卷十六 書

與錢中洽先生書

與傅木庵書凡二章

與萬吉人書

與尹去文書

與戴伯闇書凡二章

答李太虛書

與劉晉卿書

與揭緝止書

與李君翰書

答朱平仲書

與楊文聰書

與吳梅谷書

與馬騰翁書

答韓寅仲書

與方仁植書

與祝一之書

答戶兵二部會議書

與鄭將軍書凡二章

與黃東崖書

與張鮑淵中丞書

答郭叔子文宗書

答周仲馭儀部書

與杜郡伯書

與馮秉清書

與張孟侯書

與方書田書

與徐竹孫書

答林淡生書

卷十七 書

獄中與張煙叔書

羈庫中寄魏秉德書

與張玉笥書

答林子篤書

與子庸兄書

與劉魚公書凡二章



與陳無涯無技書

與吳廣真書 凡二章

與金聲桓書 凡三章

招征書

與黃東厓相國書 凡三篇

與劉魚公書

與黃東厓相國書 凡三篇

寄家書 二篇

在徽州寄家書

與內書 凡二篇

家書

與倪文正公書 凡二篇

答倪文正公書

與蔣八公書 洪氏本作答范文貞公書

與盧牧州書

答蔣若椰書

答劉念臺書 凡二篇

答王忠端公書

答趙景之書

獄中答盧雲際書

與張紹和書 凡八篇

卷十八 書

答葉文忠公書

答鄭元岳書

答錢機山相公書

答陳明卿書

與張湛虛書

與魏中巖書 凡二篇

與朱節菴書 凡二篇

答何元子書

與何元子書

答夏彝仲書

答陳相公書

答陳太史書

答賴太史書

答朱王孫書

答陳御史書

杖後與甘御史書

答吳源長少參書

與吳少參書

與張湛虛中丞書

答蕭中丞書

與沈令書

答張恭錫書

與沈令書

答張御史書



與張御史書

答鄭牧仲書

答曾叔祁書

與王伯雲書

與張公亮書

答陳臥子書凡三篇

獄中答張助之

答陳獻可書

答洪尊光書

與洪尊光編問業脩業書甲

與洪尊光編問業脩業書乙

與洪尊光編脩業問業書丙

與洪尊光書凡三篇

答洪尊光山居書凡四章

卷十九 書

答紀石青書

與紀石青書凡三章

與唐伯玉書

答魏秉德書

答姚有僕書

答曹遠思書凡三篇

答李元仲書

答孟長民書

答堵牧游書

答尹民興書

與柯司李書

與徐孝廉書

答徐孝廉書

勤王書

京師與兄書凡六篇

獄中與兄書

與兄書

與內書凡四篇

杖後示兒書

京師與女書

京師與婿書丁丑三月

又丁丑八月京師答婿書五月十日

又戊寅正月京師與姪書凡三篇

赴逮與兄書

京師與族姪書

杖後詔獄書

與外氏書凡二篇

與親串書

與倪鴻寶論書法三則

簡寄大滌與義兆木上四篇



與倪三蘭年兄書 二篇

卷二十 序

大象十二圖序

歷年十二圖序

乾乾坤坤序

屯蒙需訟師比小畜履序

泰否同人大有謙豫隨蠱序

臨觀噬嗑賁復无妄大畜序

頤頤大過大過坎坎離離序

咸恆遯大壯晉明夷序

家人睽蹇解損益序

夬姤萃升困井序

革鼎震艮漸歸妹序

豐旅與兌渙節序

中孚中孚小過小過既濟未濟序

七十二卦對化序

虞圖序 三易洞璣 凡三篇

文圖序 三易洞璣 凡三篇

孔圖序 三易洞璣 凡三篇

貞圖序 三易洞璣 缺

雜圖序 三易洞璣 凡三篇

餘圖序 三易洞璣

孝經大傳序

詩表序

周南召南邶風鄘風衛風部第一

周南關雎至麟之趾表序

召南鵲巢至騶虞表序

邶風柏舟至二子乘舟表序

鄘風柏舟至載馳表序

衛風淇澳至木瓜表序

王風鄭風齊風唐風秦風部第二

王風黍離至上中有麻表序

鄭風緇衣至漆洧表序

齊風鷓鴣至猗嗟表序

唐風蟋蟀至采芣表序

秦風車鄰至權輿表序

魏風陳風檜風曹風豳風部第三



魏風葛屨至碩鼠表序

陳風宛丘至澤陂表序

檜風羔裘至匪風表序

曹風蜉蝣至下泉表序

豳風七月至狼跋表序

小雅部第四

小雅鹿鳴至秋杜表序

小雅魚麗至菁菁者莪表序

小雅六月至無羊表序

小雅部第五

小雅節南山至雨無正表序

小雅小口至巷伯表序

小雅谷風至鼓鐘表序

小雅部第六

小雅楚茨至鴛鴦表序

小雅頍弁至苑柳表序

缺

小雅都人士至何草不黃表序

大雅部第七

大雅文王至旱麓表序

大雅下武至文王有聲表序

大雅生民至卷阿表序

大雅部第八

大雅民勞板表序

大雅蕩抑表序

大雅桑柔表序

大雅部第九

大雅雲漢至韓奕表序

大雅江漢常武表序

大雅瞻卬召口表序

周頌部第十

周頌清廟至般表序

魯頌部第十一

魯頌駟至閟宮表序

商頌部第十二

商頌那至般武表序

卷二十一 序

洪範明義序

明義初卷序

明義上卷序

明義下卷序

明義終卷序

坊記集傳序

表記集傳序

孝紀序



春秋鄭氏傳序

陳宣公五經涉錄序

何司農樂召序

義倉志序凡二章

陸宣公集序

倪文正公集序

姚文毅公集序

張煙叔集序

蔡端卿集序

郭正夫集序

張凱甫集序

徐晉斌詩序

張觀察詩序

陸侍御諫草序

張鯢淵燕喜帖序

駢枝別集自序

施忠介公初度序

浙試錄序

冰天小艸自序

馮母貞孝序

盧母節孝序

魏太君七十四序

解伊人奏績序

洪尊光易洪圖孝經洪圖序

紀南書史勺序

王文成公集序

姚太公八十一序

同游祖帳詩序

壽祁母

偶書壽陶齋軒

卷二十二 序附書 書後

武試錄序

詩一房制義序凡二章

林猷如先生六十一壽序

余邑侯初度奏最序

沈邑侯并太夫人壽序

八閩文業序

尊經閣序

晉傳韻略序

倪鴻寶制義序

楊文正公制義序

鄭道圭制義序

謝光彝制義序

陳克韞寤寐齋集序

邑侯汪彥輔制義後序

林奎甫合選近義序

李商甫制義序



高君鼎游艸序

鄭都甫石室制義序

浦邑侯余瞿父制義序

金用叔明府制義序

道流小艸自序

西山李氏族譜序黃子錄作題詞

古竺游詩小序

與曹木上書

與爾猷書

質園山中與獻汝書凡六篇

書秦華玉鐫諸楷法後

書古文孝經後

書張公亮墓後

卷二十三 啟 書後 跋

謝河南唐王啟

復曹司李請講學啟

復沈明府請講學啟

答余明府啟

答吳明府啟

答郁明府啟

賀朱相公啟

書孝經別本後

書孝經頌後

書聖世頒孝經頌後

書會試錄後

書嵇康琴賦後

書九山帖後

書鄴山帖後

書王文成公碑後

書杜詩後

書信儒畫松卷

書余氏書說後

書墨山示兒詩後

書四子詩藝

書顏魯公郭公帖後

書燕喜漳音後

題自書千字文帖後凡三章

書堵冲字行略後

書鄴山行圖後

書管子後凡三章

書雙荷菴詩後

書浙試錄後

書陳生卷後

書六事詩後

書倪文正公帖後凡三章

書紀南書詠莊後凡三章



書浩浩士九日詩後

書何氏禹貢後

書山居帖後

書樟讞帖後

書吳太公傳後

書堵牧子褒史後

畫松跋

跋倪爾徵冊子

卷二十四 記 碑記

烈皇召對記

鄴山講儀記

鄴山書院記 凡二十有六章

樂性堂記 并銘

三近堂記

與善堂記 并銘

畫天下七松記 凡七章

畫釣臺八松記 凡六章大條兩書作八松圖贊

大滌書院記

大滌書院後記

大滌書院三記

游宛委山記 一作游陽明洞記

游吼山記

銅山石室記

潞王監國記

逃雨道人舟中記

雲洞遊記

吹服記

備記

徙澤記

張汰沃艸堂記

雙溪碑記

卷二十五 傳 碑 碣 墓表 墓碑

曹太公傳

胡氏二母傳

王仲發傳 鄭白麓作王仲彭烈節傳

陳祭酒傳

劉侍御傳

林深州傳

七傳

節寰袁公傳

歐陽信明府重建文廟碑

文文肅公碑

韓海羅碑

兩朝忠烈祠碑

吳山六忠祠碑

王忠文公碑



王文成公碑

周忠介公碑

姚文毅公碑

蔡梅巖碣

張大夫墓表

徐隨州墓表

贈考青原公墓碑

卷二十六 墓誌銘 碑 墓表

施忠介公墓誌銘

左忠毅公墓誌銘

馬忠簡公墓誌銘

涂納言墓誌銘

閃太史墓誌銘

張枕公墓誌銘

張天如墓誌銘

唐棣之墓誌銘

馬和州墓誌銘

陳繡林墓誌銘

龍巖王廷尉碑

建何司諫世德碑洪本作何黃如碑

胡二府碑

劉寶嶠墓表

吳太公墓表

張凱甫墓表

李太君墓表

卷二十七 墓誌銘 墓碣 祭文 誄 哀詞 行狀附

墓誌銘

張石閭墓誌銘

夏行之墓誌銘

倪正公墓誌銘

周忠愍公墓誌銘

張文愍公墓誌銘

朱完初墓誌大滌函書作朱贈公完初誌銘

殷太公墓誌銘

費太公墓誌銘

林刑部墓誌銘

李太守墓誌銘

汪生墓誌銘

張太公墓誌銘

王太君墓誌銘

魏太君墓誌銘

萊峰張先生暨配林孺人墓碣

祭涂經世文



祭林伯麟文

祭高太史文

祭蔡外伯母文

蔣憲長誄

張汰沃哀詞

陳太公哀詞

蔡清谿行狀

姜太公墓誌銘

夏母王太夫人墓誌銘

卷二十八 雜文 頌 贊 箴 銘 約 揭 題詞

大滄書院告李忠定公文凡二章

脩像告 先聖文

壬午還山告墓祝文

告屋土文

明誠堂啟土祝文

明誠堂上梁祝文

明誠堂暨墓祝文

講堂告文

燕喜祖道祝文

鄴山講堂與烈皇帝文二章

鄴山告司土文黃子錄作都山講堂祝文

鄴山祀諸賢文

祭禹陵祝文

信州祭山川旗纛文

過仙霞嶺祭告漁梁鎮神文

矯輕警惰文

弔狂商華土文

榕頌

南郊禮成頌

孝經頌

聖主勤政典學頌

聖世頌孝經頌

梁山頌

五十六賢贊

張煙叔像贊

鄴山箴凡七章

洪尊光箴凡三章

費韞生箴

徐節之箴

倪梅生箴

吳季安箴大滄函書作偶爾書贈吳季安

姚有僕箴大滄函書作姚二存箴

庶常進學箴

宓衍堂左右銘凡二章

甌菴左右銘凡二章



閨菴左右銘凡二章

法廬銘

辭約

客約

講堂質約

獄中自明揭

欲辭銀綺揭

代言題詞

張氏譜題詞

密洗廬銘以下從大滌函書別本補遺

鄰秋沈家逸事

卷二十九 雜著

易象正序例

春秋說象凡例十九條

繫辭說象凡例十九條

本卦說象明義凡例十九條

本卦說象疑義凡例三十六條

易本象序例

三易發明

三易指歸

靜海易譚

與孟長民說詩序

卷三十 雜著

春秋揆略黃子錄作說

樂律論衡

孝經辨義

太元元經原本

儒脈

朱陸刊疑

子靜直指

格物證

書示同學二十一則缺一則

卷三十一 雜著

伯夷傳

讀逸周書

讀鬻子

讀陰符

書韓非子

擬秦報呂相書

擬范蠡與大夫種書

吳起

弦高

又論吳起



知伯滅公孫

齊威朝周

徙木立信

齊晉始末

秦魏始末

擬鬼谷子與孫武子書

縱勢

蘇秦激張儀

擬客說武靈王書

胡服記後

史中記

魯仲連

擬客說宜陽令

擬蘇厲責樓緩書

擬館舍人說虞卿

樂毅

伐蜀前記

伐蜀後記

擬莒大夫說樂毅書

藺相如

擬燕將復魯連書

魏無忌救趙議

擬客說武安君

魯仲連不帝秦

廉頗缺

讀范雎蔡澤列傳

又蔡澤

擬穰侯責范雎書

擬子順辨性

伐楚

擬舞陽止荆軻

擬宋玉景差說項襄王

卷三十二 雜著

興元紀略一 黃子錄作書  
留都播遷事

興元紀略二 黃子錄作  
書二周事

三事紀略

解遼環上 闕

解遼環中 闕

解遼環下 闕

卷三十三 雜著

責貌

責和氏璧

滴白馬

釋色無色

文心內符

文心外符



七下一作宅

七策一作殖家隱策

山庭迴移

乘桴廣引

器難

自詛

彈陶

駁葛

樟讞

石能言疏

蠱書葉疏

討有窮檄

破有窮露布

卷三十四 雜著

懿裔前編上

諸葛武侯魏憲侯

魏司空狄梁公

韓侍中富鄭公

懿裔前編下

王司徒張留侯

裴晉公謝太傅

寇萊公李鄴侯

卷三十五 雜著

懿裔後編

楊太師梁太師

李太師解學士

彭太師薛文清

商文毅公岳文肅

王大傳王三原

馬太師 羅中丞 黃太保 太子太保 吳公 陳光祿 呂侍郎 舒脩撰 于少保 胡端敏 王新建 李惠卿 楊尚書

卷三十六 騷賦

騷賦 凡九章

續招魂 凡三章

續離騷 凡二章

九繹 凡十一章

九籟 凡十一章

九訴 凡九章

劉招

續天問

叢騷 凡十有五章

聞雷賦

梁山鋒山賦

洞庭賦

平一賦



黃漳浦集目錄下

卷三十七 詩

四言古詩

丁玉明者古之有道也甌溪陳靚夫凝甫二兄弟皆從之游沒身不衰今其子弟猶守敦篤有二生之風聊為識數言歸之甲申端午後四日張鯢淵中丞既平漳寇班師過訪鄴山與諸子餞道於東江之渚爰集詩歌先為引端凡五篇

敘別載

五言古詩

庚辰五月二十三日辭墓就逮時緹騎尚在南昌申夜出門諸友環顧不及為別匍匐至水口揮手謝同人惘然有作適中驛道別某某并諸同學二章南昌江中別某某及姪止子以六月乙丑聞逮以戊辰別諸子前十日庚申為先慈諱日



十三日癸亥為家兄誕辰時家兄七十有二淵姪狂于舟中庚辰

已別諸老而彭達生欲送予維揚辭之不得

再示同學二章

偶有屬詠知已動色以為非

宜復作此謝之可謂揚羹止沸矣

哭魏倩石

宋子建兄弟過訪大滌山時何義兆攜姚有僕朱康流往觀棲

真子建據梧獨觀康流所著三易漫成數行

宋尚木過訪

戴初士為予樓遲江左草草

書此勸棹西還并慰諸知我 贈呂漢堂

錢聖月世兄清切屢見於詞用韻言謝

答郭彥深用原韻

壬午七夕題於三宿巖

別節之兼慰諸友

沈鄰秋追送語溪數行識別

涉江行寄諸舊識

郭正夫文宗構尊經閣詩以序 讀郭正夫集并觀校士有作

三山林守一入萬松關有作見懷用韻和之

率爾別陳宣公

送宣公還三山

查毅齋將還錢塘寄懷其弟伊璜并示彥升康流諸友

癸未三月十九日再至蓬萊峽歸舫偕者呂而遠壘張勗之鍾

鎮樸璣魏心尚習江虞皞華仲放暈追遊有胡仲求諒侍坐

有賦

翁呂宗屢共游因寄數行壽其尊公祇文

陳令威中丞守關外撫薊門綢繆甚至以義州款議見左中樞

每念往事為之慨然子亦以爭義州賈豐率率書此不盡興



懷鄭白麓本缺此篇  
從大滌函書補遺

陳彥升舟次追舊示其弟次

偶書寄陳令升

東山偶書

寤言二十一章

雪後觀山中出雲案別本大滌函書作

十一月諸友集大滌  
山房觀山中出雲

奉祝入會稽閔士覺見贈三章率爾答之四章

題倪鴻寶松石圖似獻汝案別本大滌函書作鑑湖舟中觀獻  
汝所藏鴻兄書卷及扇頭畫松二章

端午後別稽山似瀛長觀察

示諸友

書似倪子新子封兄弟

秋後至故居過阿舅宅上見

海色明淨而阿舅將遂入燕偶成數韻

癸丑春渡江出省舊居甫數日生平所愛強半分袂與仲猶待

僕至心言為別鐙下作詩擬黃鶴遠別

贈崑泉海瑞圖

小酌高君鼎宅有感

久謝詩歌見大小杜率爾似之

責躬六章

辭墓

寄友

告兄

鄭自麓本缺此篇  
從石齋逸詩補錄

誨子

白詛

案石齋逸詩作自輓後有識語在尚食監中作與責躬辭  
墓寄友誨子告兄諸篇相次在末今從之鄭白麓本並真  
他篇之前非也

前非也

贈呂漢憲

以下從別本大滌函書補遺

仲馭在茅山風雨夜作因弔前賢得十四哀詩命余記序聊述

所懷以代引跋二章

贈程生二章

壽沈母

壽邵母為旭如尊人

灑廬口占

卷三十八 詩

六言古詩

青蓮甫集

目錄下

三



小儼庚辰十月辛未

大儼庚辰十月辛未

七言古詩

十定詩

已別諸子依依不去欲同淵

姪北上毅然麾之並示諸

賦得陰崖結茅屋庚辰廿三日鑑下

竹刀篇

素詩四章

詛洞庚辰十月十九日

洞詛作詛洞已復吟嚙如答客嘲者後人見之可為發笑

方密之屢索易象正未之敢授爰謝乃翁方仁植

題汪爾陶所藏謝思忠畫卷

方孩未侍郎灌園

青巖

題鄭峯山集

書示郭彥深

大滌山寄別陸魯瞻

寄別臥子兼懷鴻寶

讀李寶昌詩

將出大滌辭諸山靈兼別諸友

出大滌將復泝江西上別姚

有僕並為明春勸駕

古長歌贈別林六長再入虞山 憩一枝菴有作

武林溪上辭別曹木上時復微吟以當鐵遂也

過靈隱寺

癸未六月江東送王豐功北上公車

讀三山林守一漳帖因迅筆識 甲申春閱紀石青广史焦書

系之以詩

偶說易象正寄朱康流

別陳獻可

熊遜木言別急筆慰之

寄建昌張恭錫太守

微吟當長嘯八章甲申六月初三日

山中偶書示何羲兆二章

予既渡胥江何羲兆曹木上

送至巖灘書此為別并寫雙臺八松以識分手

癸未春率爾偶作并示諸同人 為倪子新子封兄弟題卷



又書似子新兄弟兼似獻汝章

率爾答孫孟璞

騶虞行二章

散歌板橋溪中大滌函書題作偶爾散歌

書贈呂漢愆

題畫龍贈盧司徒

躍龍行

醉中歌似仲純永基子甫

中緩聲歌

蜚遜篇

倪晉源年伯八表賀以古風以下從別本大滌函書補遺

觀徐霞客紀遊急就草

又哭倪文正公

題倪獻汝詩

又示呂漢愆

九言古詩

書示汪爾陶

九言六句

卷三十九 詩

五言律詩

粵東舟中四章乙巳

將北征復還過江小慰膝下

郊中卽事十章己酉

徙居東皋四章己酉

寄答徐庭漢

偶作二章

送韓道人四章

寄劉魚仲兼呈麟威雨玉諸

賢二章

偶成八章

偶坐二章

同吳廣真劉漁仲集千公行

壇用謝公韻二章

開春信州車徒未發乃遊南

巖寄勒壁上四章

偕張紹和遊南巖

初夏晦日同諸友集無擇堂執

援琴示諸知己四章

同諸生出墓側談經分命四章

對客揮鋤漫成四作戊辰

答諸勸駕者兼召工更理廬下四章

料理三易稍已從緒約僧樗年尋其涯際夜拈八章



峇陽歷匡廬至羅浮有書云將東上至武夷遲久不果聞新春已還抵家為慰四章

中秋攜家人出銅海翫月有

將出山寄別海外諸友三章

作命諸子姓屬和三章

周中丞棺至不及走問入漳值已建祠致拜肅然四章

發郵過南巖因偕紹和鋤山再闢兩洞信宿乃去四章

出漳關攜別煙叔公植君鼎勗之改邑義民伯玉次仲及諸親

串兼示浦中諸友四章

錦田道中逢蔣若柳使還抵里欣然話舊四章

至三山間

已破遵化薄都下旅人戒途多相挽者詩以示之

六章已巳

浸中畿南諸縣羽檄徵師驛道蕭然乃汰家從

至建安知 獨自攜孥出關四章已巳

迫除過車盤邸舍已壞晨趨鉛山二章已巳

信州逢鄭太史王給諫各遣家還里惘然示內二章庚午

建德溪中探邸報不至繫纜數日因登兩高諸峰四章庚午

登釣臺久之過溪弔謝皋羽三章庚午

元夕泊桐君山主人攜酒與桐君對酌三章庚午

從桐廬東北徑上三十里得閭洞東北隴外得龍湫下山憩聞

家莊四章庚午

臨安聞良固失守四帥俱歿又有檄止十道師行人次且為之

慨然四章庚午

劉庶常與鷗用左司馬從戎歲暮躡敵出永平諸鎮援絕遂畢

命城下詩以弔之四章庚午

吳門過陳明卿逢園梅盛開四章庚午



從虎墅西入元墓過光福寺二十里皆梅花同林浴元信宿散

步山麓四章

毘陵見峯陽在家四章 庚午

將渡江聞都門戒嚴驛騎留滯乃單車就道寄琴鄭園四章 庚午

至儀真低回數日還向毘陵召家北上四章 庚午 平原道中 庚午

入都知在灤永援師遲散未集京營挑選不具諸帥願望無

建斷後之策者再疏將上輟而稱詩十二章 庚午

入都纔踰月又當典試出浙江家人愴然聊示行色四章 庚午

南行自滕陽至彭城皆苦潦人馬日行淖中四章 庚午

闈中後院雙檜矗天鷗啼甚急下有毒井上無雜花攬卷之餘

裴徊十步遂成义手八章 庚午

還自滁陽至宿州久雨初霽人馬又行淖中僅可一舍六章 庚午

恩澤詩八章 庚午 七豐詩 庚午

七旅詩 庚午

封事再覆連四十日材窮知

短退而微哦豈有後言聊當引慝八章 庚午

過香山碧雲寺 庚午

贈張直指 庚午

卷四十 詩

五言律詩

謹後吹毛屏居有作十二章 辛未

禮曹見參數次不已欣然寄懷謝諸宗伯四章 辛未

諸生南還散書為別錄送朱愛日姻丈四章 辛未

屬有巧言掩關握粟適徐晉斌至以焦易占之繇曰仲尼顧家

茅茨朱華因用為韻與晉斌即席同賦八章 辛未

焦繇為韻已賦八章更續二語云驢頭馬脯夷齊養蠱再同徐

賦以足前篇八章 辛未



解澤詩八章 辛未

送錢機山解縛出都四章 辛未

答文湛持書并寄峯陽四章 辛未

寄酬韓若海座師并鄭元嶽大司農四章 辛未

自二月庚戌驚蟄百一十四日不聞雷聲至六月二日甲辰始

覺殷然為之動色三章 辛未

自六月甲辰聞雷既復寂然二十一日癸亥乃復作聲屏居無

事爰續前篇三章 辛未

大暑後一日丁卯雷乃洊至盈縮喧寂與可知也三章 辛未

京師物繁蒼蠅為最愛伸樊棘別成小言三章 辛未

彌日有候約騎西山都 不得去 寄答陳雪灘四章

時波稍平許仲嘉文汝止王昆華先後攜榼見過四章

宋比玉自南都見疏屬詩十二章依韻為答

重九客至惘然卽席四章

送徐晉斌南還四章 辛未

久滯長安困憊已極倪宮允鴻寶魏給諫倩石李文選瞻韋樊

計部紫蓋各移斧見資適錢宗伯御冷亦自南都分俸見寄

聊散所懷十章 辛未

寄示家中曹從十八章 辛未

楊庶子墓垣劉中允仕徵及馬劉二侍郎皆以武試事下法司

久而得釋詩以送之八章 辛未

七驪詩

七虞詩

壬申元夕後姚孟長招鴻寶汝止來酌余邸見黃平倩詩卷欣

然言和兼以志別七章 壬申

臨行再發疏遂成僂民適文汝止以硯見贈硯是汝止十硯之

一面有月暈製成雲荷已築齋居之輒拾贈我侑之以詩不

敢不和也四章 壬申



是晚黃綱存司業蔣若椰宮允馮鄴仙給諫小坐限韻各成章  
騎驢出都數里許蔣若椰使人馳玉觚一具以溫栗見箴並用  
為別詩以謝之四章壬申

清河舟次逢李小灣宗伯之任南都四章河一作源壬申

舟至留都見兒子出痘已瘥便浩然有五嶽之思因僑舍城隅

自僦小舟泝江而上約以五十日盡黃山白嶽九華皖臺匡

廬之勝十章案第十首鄭白麓木闕從舊刻石齋詩補錄壬申

將發石城而揚機部適至四章壬申

卷四十一 詩

五言律詩

出都久不知吳給諫執御吳侍御彥芳嘗有消息夜仰北斗泣

露沾衣為賦八章乙亥 遊天治山詩為劉賡美賡穆

兄弟八章乙亥

魯叔祁書至復存焚草十章

自正月登州既陷東事難言賊復圍萊自二月至五月未有好

音言念殊勞再舒狂愾九章乙亥秋偕諸子卜築江峽因

改稱焦桐山四章 又用中求韻一章乙亥

用而遠韻二章乙亥 用易之韻二章乙亥

用鎮樸韻一章乙亥 用仲放韻一章乙亥

丙子出山攜義從別諸親友二章 都中簡寄南還諸友四章丑

濟河答友人四章戊寅 潞河舟中偶作二章戊寅

潞河別家兄二章戊寅 關門待聞二章戊寅

何元子劉晉卿趙景之同發舟遲久不至四章戊寅

偶作為一開府二章戊寅 別族兄大令二章戊寅

途中寄鴻寶二章戊寅 出都寄淮上諸友二章戊寅



寄徐勿齋諸兄二章 戊寅

留別江上諸友 戊寅

寄諸同志四章 戊寅

登泰山絕頂四章 戊寅 八月

岱頂觀日二章 戊寅

還山道餘杭有作六章 戊寅

山中紀事間就六詩 戊寅

集間各拈起字催詩二章 戊寅

僧郵致彥升為浮沉發詠依韻一章 戊寅

出大滌將渡胥江而羲兆木上諸兄又申湖上之約會倪鴻寶

祭酒來自山陰遂偕朱康流邵先之施營方繆子元陸夢文

姚有僕何壽平過西泠抵玉泉同八靈隱登叟光有作屬鴻

寶羲兆木上和之四章 戊寅

將行矣為諸友繫維三日又當言別賦此為謝二章 戊寅

長至日鴻寶別有約去有詩頌之翌日同有僕木上過石屋烟

霞抵晚始歸與羲兆士美壽平同賦四章 戊寅

同倪鴻寶過十八澗四章 戊寅

自新菴歸宿西墅遂渡胥江何羲兆曹木上送過富春因登釣

臺共賦四章 戊寅

嚴灘留別羲兆木上並謝諸

賢及鴻寶一章 戊寅

魯瞻臥子同過靈隱二章 戊寅

同彥升長民木上登飛來蓮巔以彥升請促筆作五言 戊寅

步出靈峰滯雨湖上同邵先之姚有僕朱康流陳彥升 諸兄分韻五章

出靈峰謝鴻寶瑞屏巢軒諸文并別涂德公三章 戊寅

金華舟中同徐節菴賦得偷陰愧主人五章 戊寅 偷陰二韻缺

宿質園似與可兄文 見浙中倪黃合刻帖 巳卯

巳卯秋駕季瞻未得騁也為之兆矣明新廷對并為祝轅意不

復千里諸兄并書四章贈之為發一粲 見浙中倪黃合刻帖

季瞻諸兄弟皆於予甚久託在蘭畹未有以贈也聊此奉正祀



至後三日 見浙中倪黃合刻帖

莆陽宋幼龍再寄惠音二章以上十四章 並從人帖補

楓亭逢曾叔祁示諸近作詩以答之二章已卯二月 從人帖錄

庚辰江渚別姜燕翁李梅公項從之兼諸父老四首

庚辰長至後五日書於白雲西庫時臥起正一百日也四章

自西庫過請室復逢除夕十章 庚辰 西庫逢某某省親四章庚辰

北寺同某對簿四章庚辰 辛巳元日十章

正月廿六日黃霧四塞日青無光三章辛巳

西北數間為一周諸公畢命之處四章辛巳

抱足扶首幸而起立儻然寫懷四章辛巳

題素園五章辛巳 重重生詩十二章辛巳

林篋卿便道省家再附家信五章辛巳

雲霓篇四章辛巳 後雲霓篇四章辛巳

解紱四章辛巳 洗心詩十一章辛巳

集木篇

卷四十二 詩

五言律詩

和楊機部三宿巖四章 三宿巖別賦似楊機部四章

又別楊機部十三章 隔岸三章

感懷十章 偶爾八章

趙芥須再遷海上因附家信二章 送林紫濤御史還山二章

孫伯觀十詩見贈依韻為答缺第二章

又寄諸友兼謝惠書二章 吳司業若谷葉詹二御史數

攜觴過集四章 吳江舟中酬徐節之三章

吳園再值黃波臣用原韻二章



義兆長民去非送至京口拈韻識別八章 壬午

同義兆長民去非儻青山船遂至大滌六章 壬午

夏五大滌山中觀雨用泉聲冷罇俎荷氣香僮僕為韻十章 壬午

午日大滌山同義兆去非穎凡偶拈李嶠賦丘壑信多美烟霞

得所欣十韻

同諸友至棲真一章 大滌函書作棲真志異 壬午

再訪歸雲洞用錢去非韻二章 題費韞生卷五章

題吳來之解綬圖二章 何義兆姚二存曹木上陳彥

升倪子玉葉恆生姚聖之同陳臥子集倪鴻寶園中各拈二

邵先之劉漁仲何義兆姚二存曹木上毛儀伯艤舟上富春江

各拈二韻四章 送汪明府之福唐五章

送客二章

同彥升臥子諸兄集倪園為鴻寶勸駕二章 壬午

用木上韻集倪先生宅兼壽倪母二章 壬午

用義兆韻集倪先生宅共諸子酬和二章 壬午

富春江用木上韻二章 壬午 再用義兆韻二章 壬午

用先之韻二章 壬午

再用姚二存韻二存將應臨軒四章 壬午

壬午八月荷芟入楚病臥西林適逢環命以清脩力學見褒感

念古今淮陽長沙無此奇邁攬筆潛然一十有八章

予既膺環召時解葉諸公尚在戍所因席藁請命慨然有懷八

陳公遜大令至山中勸駕有謝六章 癸未

寄答姚二存二章 癸未 答浦城令劉仁甫兼壽乃親

五章

陸魯瞻書至有答五章



葉霞浦以卓異召補給假省墓寄懷兼示諸友四章

壽張鵬海太夫人四章

劉漁仲使至攜家有寄十二

答王自位四章

答查于皇用于皇韻四章

又答四章

從邸報知鴻寶發言遂成元感既數日得鴻寶書備閱諸疏清時喜起良暢於懷已有長言再伸短什四章

寄趙景毅御史二章

賦得孤雲獨往還贈徐霞客

賦得萬籟此俱寂五章

屬五作成差可哦咏適胡子庸至復命賦之因復屬韻二章

卷四十三 詩

五言律詩

郡中結夏有作二章 癸未

五日同魏倩石給諫應德尊

侍御過張汰沃山居四章

五日戲作四章

竹醉前一日同諸子泛舟蓬萊峽用唐人外事情都遠中流性

所便為韻得十章 癸未

和張范之年丈過訪焦桐山

同用唐人句為韻亦得十章 癸未 同前韻復於焦桐山小午停

棹見呂而遠十章先成迅筆依永和之

癸未六月紀石青將入都過焦桐山懷詠因次韻四章 癸未

別紀石青兼寄懷南書 癸未

夏季王豐功北征舟過蓬萊峽夜中言別一章 癸未

同劉賡美林孟惠有作用壇潮歌齊韻四章 癸未

楊機部在莒州道中及淄河旅次各有所寄因和來韻四章 癸未

林德侯方伯江虞臬仲放小集山中用諸子韻四章 癸未

周芮公書至知林素菴吳大車同遊泉山諸洞自媿垂老未登



清源徒覽靈篇增其慨積四章 癸未

三近與善二堂落成用高岡梧桐菁莪中阿為韻示諸子 同賦八章

有答二章 有寄二章

過靈谷餞梅 寄吳源長少參二章

贈樵雲上人 過雲洞遂憩後葛

過石室小作二章 偶然有述二章

寄吳閩甫有作二章 臘月出江東登逃雨巖即事

用衡門棲遲河干漣漪八韻同賦

送張日葵直指二章 送劉司李按部二章

偶贈方外

寄曹遠思司理四章 答友勸駕二章

答彥升臥子有僕并諸友八章 再答彥升臥子四章

和陳宣子安石柰蒼生何六韻 石柰韻轉青灰

甲申元日集諸友分賦明誠堂用陳宣子山川分動靜雲漢合

昭回為韻伏枕遂成十章

明誠堂初集諸友分賦陳宣子得雲盡山無際川歸海未盈因

用為韻遂成十章 甲申 又和戴伯闇八章

和林守一四章 和陳無枝五章

和胡仁祖六章 和商諧仲四章

和商元剡二章 和胡元居二章

和 四章 和張章垣二章

東崖以講章十篇見示二章 甲申 答方仁祖八章

陳獻可來自繡水適與明誠堂會偶成六詩附使面足長晤 話也

送陳獻可還繡水二章 以人帖錄 寄陳雪灘年兄四章



四月龍江逢孟長民蒞任潮陽艤舟過鄴山同張勗之呂而遠

楊季夷魏元方用云誰之思為韻四章甲申

劉遠予毛燕山二明府過蓬萊峽同諸子留酌邊真臺賦得羣

真來翱翔清風飄子襟蕭然吹殊香千秋懷高岑廿韻率爾成之

曹遠思公祖至鄴山重證講義薄暮移尊三臺因用為韻四章

漫賦肩佛二章 過蔚園偶賦得中也者

賦得毛猶有倫 吳諤齋年憲見示賢郎庶常

選牘因知中原動定六章 再寄張恭錫太守四章

明誠堂大會曹遠思司李劉遠子明府來證講約四章甲申

漳郡寇退寄候劉遠子明府章 寇退因出銅海視諸親串四章

蓬萊端陽水嬉賦得山光搖芙蓉溪鱗磬魚龍并用為韻同而

遠勗之季谷尊光諸兄弟詠之十章甲申

答蔣晚仙大令二章

再答趙景之太史兼懷劉晉

卿八章

答晉江明府二章

乙酉五月十三日自蘭亭歸別諸友二章見浙中倪黃合刻帖

乙酉六月廿三日作於清湖舟中二章

過言八章丙戌 自悼八章時在發源絕粒七日 丙戌

造怨八章丙戌 時發發源趙淵卿職方毛元

水別駕賴敬儒蔡時培二中書相失寄示四章丙戌

至新安示趙淵卿毛元水賴敬儒蔡時培四章丙戌

人日新安 帳勉觀梅花同賴敬儒作四章丙戌

謁朱廟四章丙戌

鐙夕不堪乃遂絕粒是夜雷雨明日甲子抵晚雷電大作繞營

不休凡三晝夜 遂發子入南都六章丙戌



發自新安絕粒十四日復進水漿至南都示諸友五章丙戌

答訪四章一作答諸訪者 丙戌

饋監中趙毛蔡賴諸友分羈兩縣遂不可面為覓襍被不得悵

然寄懷六章丙戌

尚膳監八章丙戌 書作齋堂 大滌函

後死吟八章二月九日 丙戌

後後死吟八章丙戌

過飛來峰頻懷家洞二章甲申以下附 武林乞身有作一章甲申

西冷懷倪鴻寶方仁植馮留仙鄴仙七章

集玉山房同曹木上陳殷子有作二章

同義兆旭如恆生埽除大滌洞用諸兄韻十二章

甲申臘月諸友舟送入都賦此言別十章

同諸君登鷺鼻石尋陽明洞示麴子四章

宿吼山同倪獻汝呂漢憲倪子新林公植陳殷子同賦八章

竹醉日同諸子再登逃雨巖呂而遠為賦嘉遯得天山風雲通

詩五章用韻寄懷何義兆甲申

張勗之同賦五韻因和勗之五章

卷四十四 詩

五言律詩

五月念一日闕蘭谷洞初成寄胡爾房二章甲申

從蘭谷逃雨下山阿小隱二章 甲申 山阿小隱偶作六章

池直夫乘暑過鄴山率爾有作 五月廿七日江東驚聞長安

之變六章甲申

偶書示趙與蓮及諸子三章

六月朔日長安信至率爾寄友 六章 六月九日聞留都遺信六章

九月朔大集講壇二日偕諸友登黃巖用朱紱方來羣賢畢集



為韻同賦八章

甲申

九日同沈鶴生年兄及諸友登逃雨巖率爾有作六章

甲申

十日再登諸洞更命意匠鑿山六章

甲申

十有二日偶值刻暇楊玉辰以素綾索書迅筆為之示諸同人

八章

案別本大滌函書作講舍落成集鄴山同游賦別

廿一日出山詩四章

甲申

蛟巖西偕樂亭為此山雄攬因用偕亭韻二章

寄池直夫晃巖四章

諸友至三山分手獻可尊光共發芋源十二章

甲申

舟中念蔣若椰閣老歸買靈鷲碧霄想念故山因復賦示麴子

四章

甲申

答黃閣菴方伯四章

寄吳源長道尊四章

答夏韓雲太守四章

再得吳源長書知泉南寇靖四章

壽沈巢雲太守二章

退聞遵永諸城收復志喜六章

章六

浙闡公讌詩四章

庚午

實錄禮宴詩四章

舊輔錢龍錫非罪下獄中夜草疏并作小詩以別內子六章

待命四十日凡再回話以詆毀曲庇幾坐重典而蒙恩薄譴僅

得調官再賦示內并答諸賀者六章

辛未

處分後十餘日仍賜金幣以實錄故敘勞在前欲辭不可感而

有作十章

辛未

別臨安二三子三章

謝東吳諸友問業三章

答蔣若椰王覺斯各有詩見慰四章

陳明卿許仲嘉各先後出都雜用寄別七章

賦得攬察草木猶未得七章靈均云攬察草木其猶未得兮何

理美之能當



賦得不及古人玩芳草七章靈均云惜吾不及古之人兮吾誰

與玩此芳草

小解網六章庚午臘月二十六日

大解網六章辛未伏月十三日

臨雍詩六章

步禱詩六章辛未夏五月

正六事詩八章辛未夏以下同

別六事詩八章

園丘詩六章

方澤詩六章

朝日詩六章

夕月詩六章

何桐城相公以病懇得去伏枕寄送六章

錢會稽相公甫兩疏輒先桐城而去不及寄送有作並懷韓蒲

州及諸先輩六章

秋懷十章

宜緇族兄還因書寄匪石家兄家兄先有書至以上疏得去官

為喜十二章

前九章

過乾洞陶園一章

洋行同倪獻汝梁巨伯呂漢

憲倪子新子封得大道與化翔五韻

呂漢憲和詩有獨夜行師子之句因與同賦并用為韻五章

東揚聞警四章

賦得經綸在泉石時在土城山山即夷光學館五章

夷光山再用明月松間照為韻五章 質園賦得桂樹成連理有贈五章

小隱山為錢文僖別墅放舟過此愴然感懷用其欄中唐句為

韻

同倪獻汝呂漢憲賦五章

雨滯廟灣同獻汝漢憲公植殿子用意中明日月身外穩波濤

為韻十章

初晴入二峰得巖居川觀四韻

用家園親朋四韻寄懷江東諸友并呈仁植四章時仁植客漳

題張氏博山書屋

過洞山



偶得松濤二韻

質園讌集得水邊林下四韻

犬亭山看竹得疎林驚青谿五韻

同諸友登越王崢四章

歸舟自蘭亭與倪獻汝葉恆生王園趾呂漢憲陳天若劉北生

倪爾徵言別一章

時五月十三日前三章已從人帖錄入本卷十二葉此從別本大滌函書補錄後二章

都中簡寄南還諸友四章丁丑以下附

督學倪三蘭年兄觸降錄事詩以慰之二章

屏居偶作寄倪侍御二章 偶贈方外

為蔣九達題烈母傳并閱邸報有作四章

卷四十五

七言律詩

辭墓詩已巳冬日負土久畢愴然告山八章

感遇詩六章

感舊詩六章

後九章

前嘉命辭為前宗伯八章

後嘉命辭為後宗伯八章

文網未釋乞休為勞倪鴻寶特疏見白為詩言謝十二章

卷四十六 詩

七言律詩

秦晉流寇嘯頻年已繫治督臣楊鶴滇中普曾又亂繫治撫

臣王伉念之懽然遂成數章辛未

新得丹方並鑄鼎之法呼工度之須百六十金買藥稱是計不

能辦也聊扇以詩八章辛未

初逢孔棘島海尚寧欲乞朝鮮之差以外聯屬國中靖民而

陪臣屢疏以貢道為苦議移登海以就旅順累月不決值錢

輔禍發恨然望洋因作望洋前篇六章辛未



已坐言改服計秩當為大行尚圖捐軀一踐前意而登州卒亂

東道遂湮誓歛餘骸自還上墓悵然作望洋後篇六章辛未

子年四十七矣栖遲一官辛未臘月得成天放乃舉一子親朋

畢賀動引子瞻之詞予遂陶然以洗兒賦謝六章辛未

壬申元日侵晨雨雪旋遂開霽時已得請睠然有作六章

三日遂雨雪平地積尺時去冬至六十四日前十日已微雨著

地乃冰東省報斷欲出都未得六章辛未

元夕近兒子彌月家僮以廿錢買小鐙見之為訝適聞文網再

發援筆輾然不敗所懷四章壬申

小還詩四章六疏得小還尚遲門禁壬申

大還詩四章八疏得大還遂賦初衣壬申

伏枕乃下牀寘無所見見倪鴻寶請假疏云京師如海獨無良

醫為之慨然賦京師如海獨無醫以示諸病者四章

將出都姚孟長前輩楊用賓徐九一吳澹人馬君常張天如諸

館丈各有惠詩依韻間和八章

二月初吉陳弓甫以督學西粵不及為別愴然寄之三章

先數日林祉文亦得命視師宐紹使去不及致書別訂台蕩之

約三章 二月九日是予初誕以是日

出都掛帽驢背乃作更生之詩十二章壬申

已出都乃聞吳執御給諫吳彥芳侍御各就繫先數日已繫御

史王瓚琛皆以薦舉故聞之惻然愧為逐臣無能代罪隕涕

而已八章案瓚琛一直沽逢閔昭余大司馬四章

登州已陷中議剿撫不決諸有司無一人死者至直沽逢撫臣

孫元化偕諸道臣浮海至歸命師敗為之汗顏詩以訊之四



章 壬申

和鄭峯陽見贈十章 壬申

謁孔林孟林十二章

恭奉環命作二章

從舊刻詩 艸補丙子

戊寅出都十詠

案未章大滌 函書與鄭氏

舊本並缺從舊刻詩 艸補錄其次第則舊刻一二三四五六七八九此本移為五六九三二一八七四

諸友餞別栖水依韻言和四章

廓落詩十章

答周穎侯司理二章

寄葉瞻山御史四章

寄吳鑑在及至之孝廉二章

寄劉念臺總憲四章

寄鄭元嶽太宰四章

送吳源長少參還南都四章

林德侯江虞韓昆仲小集中用諸子韻和江仲放二章

南巖同張汰沃訪千公

二章從舊刻 詩艸補錄

訪王子玉郊園

莆中謝南夫曾未祁鄭牧仲奚仲王自位見訪詩以送之六章

酬池直天用韻二章

答賴宇肩太史四章

三山林守一偕陳宣公見訪山中偶作四章

沈友孫大行入漳投詩見懷用韻答之更致四章

淮上別彭達生并示涂德公三章

庚辰

碭山道中遇警身先緹騎得過壽張十首

身先緹騎一作身 為表馬以先取道

葉謙齋董叔匯各作平韻詩三十首分篇和之

闕二 十章

壬午元日感事四章

壬午

解網出雙河菴十一章

壬午

廣洗心詩十三章

壬午

偶爾有作六章

莫愁湖別諸知契將之

湘中 八章

姚次白見顧

和陳太史韻

送大司馬范質公環召

入都 四章

卷四十七 詩

七言律詩

寄大司空張蓬元二章

寄太史趙景之

讀書補集

目錄下



哭張西銘二章

輓相國何芝岳二章

壽繆連城

寄元嶽念臺兩先生四章

次答韓茂貽見贈四章

公占將別有恭還二韻屬諸友言和余先步韻亦以識別二章  
明誠堂初集諸友各有詠賦用原韻和戴德深四章

和胡仲求三章

和張章垣

和林同芳二章

和林思誠二章

答莆田金若干二章

陳宣公攜五經涉錄見教詩以曉之

宣公以諸書下貽聊用二章請正因以為別 缺一章

陳宣公林守一同賦雲盡山無際川歸海未盈十韻先步宣公

製 案舊刻詩舛作明誠堂同諸子小集以雲盡山無際川歸海未盈為韻步宣公作

復錄原和仄聲四詩 盡 際 海 未

同安紀石青紆於公車至鄴山詩以送之二章

壽王東里總憲七十二章 寄張湛虛大司馬四章

寄鍾陵諸友四章 贈紀南書

張三華差肩之長壽予耳順步韻聊答二章

答陸岫青直指兼示其弟嗣開六章

鄴侯山祖帳送何元子以大司農應召入京四章 甲申

雲間陸集生過予鄴侯山偶爾用韻四章

張鯢淵中丞漳南凱還餞於鄴山六章

周穎侯司李寄至感時十議四章

答沈聞大依其來韻二章 為縣公留眷二章

十月出山林守一李元仲洪尊光林君若鄭牧仲陳英子勝子



再入武夷分賦六章

與諸友入滴水巖逢黃屏周太守招酌三章

同友坐茶洞觀元仲牧仲殷子登接筍峰乃就驛道送諸友遊

石獅天游因為別三章

富沙晤陸岫青侍御三章

昏曉八章

丙戌

夷猶八章

待命八章

大滌函書  
作延頸

歸釁八章

拚得六章

拚不得六章

武陵嘆用方孩未韻

十二章以下從別  
本大滌函書補錄

再滌元蓋三章

大滌山房看雪中櫻欄用友

韻三章

有友初至山中為韻三章

甲申冬至大滌山禮闕用諸友韻六章

舟次吳江逢高碑齋閣老移棹下詢有作四章

哭馮留仙開府鄴仙大司馬二章

宏光改元奉命祭告禹陵九章 聞礦使開雲霧山有感七章

倪鴻寶竭忠殉難有棟折山頽之慟稽諸古人無與為輩即欲

瀝血瀉地稱揚宣歎無以為辭因勒四章登之素帛足誌嗚

咽云爾

卷四十八 詩

五言絕句

再游天城山賦示諸子七章

靈巖山詩七章

竹塢九章

出華山寺五章

寒山四章

蓮花峰觀道藏八章

昌化至新安道中十章

過藍田借菴夜宿不得六章

憶攝山紫陽樓八章

牛首山下八章



浮山詩十二章

出廬山拏舟東下十章

江上阻風眺望四章

石鐘山四章

焦山寺前土中二銅像八章

題銅面扇二章

辭黃山四章

丙戌

辭白嶽四章

辭匡廬四章

辭九華四章

辭浮丘四章

辭齊山四章

辭穹窿四章

辭園墓四章

辭洞庭四章

辭三茅四章

辭天目四章

辭徑山四章

辭宛委四章

辭西陵四章

辭天台四章

辭鴈蕩四章

辭羅浮四章

辭懷玉四章

偶逢微雨四章

從別本六滌  
函書補

六言絕句

感事十九章

七言絕句

牛首山六章

壬申以  
下同

留都逢夏至因候日晷六章

壬申  
五月

儵舍既定遂遊山八章

茅山詩四章

積金峰四章

華陽九洞四章

焦山詩四章

攝山詩八章

從攝山西下六章

齊山二章

池山六章

卷四十九 詩

七言絕句



九華山詩六章

壬申以下同

既從青蓮祠上竺峰得捨身巖北瞰江流南隱華嶂至摘星巖而盡六章

浮山逢一僧乞詩六章

已出浮山將至匡廬阻風湖口攬筆愴然復成數言八章

二日繫磯中已為攢脊尋復大風坐版蕩者五日八章

棲湖口島中六日乃得渡一小渚傍崖走十餘里至大孤塘

大孤塘覓筍輦上匡廬甚近值北風便回發舟無何風又息

四章

廬山詩六章

走五老絕頂北望浩然適僕夫從石下採巨葉數片云此廬山

當歸也歸材甚佳乃棘然從此下山感而有作六章

將下山西過掌崖望其崖右為九岐峰一僧新卜築問其名狀

故與子相識遂不復過訪夜宿黃龍寺留詩示意四章

下山至歡喜坪值雨憩草寮中有僧自金竺坪馳至出素卷索

詩灑筆以晴為限雨久不止遂至六詩

入靈巖至天池四章

憩華山詩十章

天平山七章

西尖八章

白嶽詩十二章

齊雲山中忽得吳南陸侍郎

并葉明府書六章

黃山雨作伏枕有詠四章

徑山詩四章

與羲兆登凌霄八章

道中逢胡僧四章

初至三過堂覓子瞻遺跡愴然遂乞火過雪橋下乃還憩梅谷

四章

壬申○案大滌函書作與羲兆之徑山信宿梅谷

大滌山初宿李忠定朱文公祠次四章

病中尋大滌栖真歸雲龍蛻鳳鳴五洞十二章



大滌山中郭彥深勸駕八章

和王覺斯見寄

又和見懷三章

又和寄謝二章

登越王峰六章

壽陳乾初二章

雨歸溪頭見諸友蹠洗湍次

四章

午日自梅溪過項里六章

從大

滌函書別本作午日同而世培文載葉恆生倪爾徵自梅尖過項里

送陳章侯五章

題別葆素洞山四章

題畫松似友人四章

鄱湖舟次二章

石阿偶作十章

從鄭白麓本墨蹟一作橋園偶詠多七章乃下山齋雜咏作也

徐霞客自六陵來訪山中不一日輒搜奇南下覓籃輦追之數

百里乃及相將於大鋒巖次兼訪劉完公不值阻雨分闔各

得十六韻

見浙中倪黃合刻帖

口占候倪母前慶一章

以下從大滌函書補遺

偶見鴻寶遺筆

宏光元年夏五朔將往六陵阻雨是夜夢倪子新作詩有北窗

收鶴足二簋散禽齋之句覺語諸兄曰是且歸矣諸兄亦無

復入六陵者已而人各趣裝還郡予獨與獻汝蟻舟過柯山

因用為韻各成十絕

卷五十 詩

七言絕句

山齋雜詠贈恆如慈周二上人二十章

山居三十章

鴈蕩見陳木叔送徐振之

作別九章

放生詩五章

偶作寄示同志四章

衣帶詞

石聽鈴詞八章

江皋指詞

午日宮詞四章

秋作捲衣詞送鄭峯陽諸公南歸八章



遊仙詩八章

送張紹和二十四章人帖刻

沈沃攜家入山之作當從之人帖止錄十四章未題已卯二月作

偶作二章

送舍姪子止還山二章亦見大滌

函書入途次備拈作十八章

途次偶拈十六章

題七松圖壽魏中巖給諫八章

徐晉斌草堂成與張聘君沈

沃約偕謝宏景各賦十二韻迨還梁山寄為前篇列附賡音

并政張謝

徐晉斌樓居新成贈十二章

續夢

賦贈陳無功二章

寄贈友人二章

新安元夕四章丙戌以下同

過新嶺弔金正希四章

觸目二章見一士身纏九鎖

初至白下見玉梅盛開旅次索被襪不可得愴然畱示諸子四章

絕粒十四日不死傅君折得玉梅兩枝寄瓶中聽弄胡琴六章

臥禁城漸聞鐘聲遽然驚覺次第有懷十二章

有所寄四章

後夜聞鐘再理前緒六章

毛元水別駕趙淵卿司馬賴敬儒蔡時培二中書皆從予就擄

相持彌月矣正月二十五日迺分羈他處愴然有懷無從寄

問也前後鬱伊凡八絕句

又寄過十四日恐以予為死也然亦無從省其達否聊以示意

十章

癡想八章

又寄亦以為慰八章

二月朔後引磬不殊起而慨

然六章

抵暮四章

傳對揚晤語輒贈四章

思在黃海八章案鄭白麓本有十二章內

第九章以下據石齋逸詩乃思在華山顛篇之四章也今從之移改

思在華山顛六章

從石齋逸詩補錄

蒿里十章



詩餘

吳江舟中讀雪堂新詩同何羲兆賦雪堂豔一闕奉錢爾斐

從大

滌函書  
補錄



